



中醫百日通

中國醫藥
入門叢書

痘科入門

上海中西醫藥書局印行

叢書
總目

診脈入門 內經入門 女科入門 外科入門〔附牙科〕
辨舌入門 金匱入門 產科入門 傷科入門
藥性入門 傷寒入門 痘科入門 喉科入門
湯頭入門 溫病入門 幼科入門 眼科入門

中國醫藥
入門叢書
(痘)
(科)
(入)
(門)

上海
中西醫藥書局印行

中國醫藥入門叢書


(中醫學百通六十種)

- 診脈入門
- 辨舌入門
- 藥性入門
- 湯頭入門
- 內經入門
- 金匱入門
- 傷寒入門
- 溫病入門
- 女科入門
- 產科入門
- 幼科入門
- 痘科入門
- 外科入門
- 傷科入門
- 喉科入門
- 眼科入門

附
科
疔

實價	實價	實價	實價	實價	實價	實價	實價	實價	實價	實價	實價	實價	實價	實價	實價
一角八分	一角八分	一角八分	二角	一角八分	一角八分	一角六分	二角	一角八分	一角八分	二角	一角六分	二角	一角六分	一角六分	一角八分

全部六十册加錦套實價國幣叁元



發行所	印刷者	發行人	出版者	校閱者	編輯者
中西書局總店	中西書局	吳雨江	大通圖書社	吳嘉寶	陳景歧

上海望平街中市

中門醫藥
入門叢書
痘科入門目錄

【一】痘疹心法要訣

一·痘門證治

痘原

出痘形證

痘出五藏形證

痘主部位

痘形順逆

痘色順逆

痘證老嫩

痘證疎密

辨形聲氣飲食之虛實

辨氣血虛實

辨表裏虛實

辨陽熱證

辨虛實寒熱誤治

稟賦順逆險

天時順逆險

人事順逆險

發熱順證

發熱險證

發熱逆證

發熱證治

見點順證

見點險證

見點逆證

見點證治

起脹順證

起脹險證

起脹逆證

起脹證治

灌漿順證

灌漿險證

灌漿逆證

灌漿證治

收醫順證

收醫險證

收醫逆證

收醫證治

結痂落痂順證

結痂落痂險證

結痂落痂逆證

結痂落痂證治

面身痘形圖說

二·痘中雜證

發熱

驚搖

頭痛

腰痛

腹痛

煩躁

譫妄

渴

厥逆

喘

痰

咳嗽

乾噦

嘔吐

噎水

口噴噦氣

不食

汗

祕結

瀉

痢疾

癢

痛

失音

衄血便血

寒戰咬牙

倦怠

痘後浮腫

痘後癰毒

目病

唇

痘後牙疳

舌

咽喉

夾疹

夾癩

夾痧

水痘

三·男女年長出痘門

男子年長出痘

婦女出痘行經

孕婦出痘

痘出遇產

產後出痘

四·疹門證治

疹原

麻疹輕重

麻疹主治大法

麻疹未出證治

麻疹見形證治

麻疹收沒證治

身熱不退

煩渴

譫妄

喘急

欬嗽

喉痛

失音

嘔吐

泄瀉

痢疾

腹痛

衄血

癩疹

蓋痘疹

癩疹

五·種痘諸法

種痘要旨

選苗

蓄苗

天時

擇吉

調攝

禁忌

水苗種法

五藏傳送之理

旱苗種法

痘衣種法

痘漿種法

信苗

補種

自出

治法

【二】海藏癩論萃英

一. 瘡疹標本

二. 潔古老人癩論

三. 海藏老人癩論

四. 未顯癩證所用之藥

五. 已顯癩證所用之藥

六. 瘡疹輕重候

中國醫藥
入門叢書

痘科入門

【一】痘疹心法要訣

一·痘門證治

痘原○上古無痘性淳樸中古有痘情欲恣痘稟胎元出不再毒之深淺重輕識天瘡之名因天稟瘡形如豆痘名居塞北不出寒勝熱毒發自必待天時

出痘形證○欲識小兒出痘形類是傷寒發熱驚氣粗眼眵中指冷耳尻不熱耳筋紅

痘出五藏形證○痘出五藏主證形呵欠頓悶是肝經肺證欬嗽痰噎涕心證驚煩面赤紅脾證喜睡肢熱利耳尻俱涼是腎徵肝泡肺膿心赤小

脾大黃淺腎黑形。

痘主部位○額心頰腎鼻脾部。左頰肝位右肺方。周身分主面屬胃。頭背膀胱腰腎彊。心肺胸膈肝膽脅。腹肢屬脾大小腸。包絡之絡聯藏府。三焦之氣應無方。

痘形順逆○痘形見點喜尖圓。惡隱蚊迹痲粟蠶。起脹漸綻充肥順。頂平不突板實難。生漿歛束形完固。軟嫩皮薄癢塌纏。結痂如螺先後落。最忌麩薄潰爛粘。

痘色順逆○痘色桃花漸漸紅。淡白枯紫晦多凶。起脹頂白根紅潤。頂灰根散或深紅。生漿由白而黃厚。最忌灰乾與薄清。靨喜蒼粟惡麩白。疤喜紅滿惡白平。

痘證老嫩○蒼淳嬌艷老嫩色。實厚浮虛老嫩形。濃濁稀清漿老嫩。厚薄

痂之老嫩明

痘證疎密○頭項胸背痘疎吉手足雖密不爲凶疎兼陽熱須防變密若磊落不必驚

辨形神聲氣飲食之虛實○軀之肥瘦形衰盛聲之粗細氣虛實目瞭不瞭神強弱胃氣虛實食不食

辨氣血虛實○氣虛頂陷多軟薄氣過成泡少漿膿血虛淡紅摸轉白血過發癍紫黑凝

辨表證虛實○發熱惡寒身痛表有汗爲虛無汗實實隱稠密灰紅滯血平塌爛水浸濕

辨裏證虛實○發熱惡熱鞭痛裏便秘爲實下利虛實則板實根緊鞭虛則倒陷靨收遲

辨陽熱證○陽熱壯熱面唇赤舌乾飲冷爪尿紅煩躁昏狂譫失血紫黑焦枯不潤通

辨陰寒證○陰寒無熱口鼻冷面唇爪色白青厥冷難回利不臭水泡灰白無暈紅。

辨虛實寒熱誤治○溫補過則痘潰爛毒攻咽喉目腫癰清瀉過則痘白陷嘔吐不渴厥利清

稟賦順逆險○毒微氣血實則順毒甚而虛逆自明毒微若虛恐化險毒甚逢實變險能

天時順逆險○毒微天時和者吉毒甚天時不和凶毒微不和順中險毒甚和時逆或更

人事順逆險○險逆時和無病吉不和有病定然凶由此故識種痘善人

事能回天命亨

發熱順證○發熱和緩微微汗飲食如常二便調睡臥安然神氣爽此爲順證不須療

發熱險證○發熱三日熱不退煩渴咬牙面赤紅驚啼戰慄乳食少夜不安眠險證明

發熱逆證○發熱神昏悶亂成妄言喘滿腹腰疼不食不眠搖不止乾嘔失血證逆凶

發熱證治○痘出發熱固自內必因其誘使之然時氣風寒驚食熱表裏虛實隨證參表熱惡寒而無汗裏熱有汗洩便難氣弱熱微不足治形實熱盛有餘看

升麻葛根湯○發熱升麻葛根湯表邪痘疹兩得方升麻葛根赤芍草隨

證宜加法最良。無汗表實加麻薄。便秘腹痛裏大黃。形怯氣弱參耆人熱。盛犀連荆蒟防。尿澀通滑車前子。驚搐荆防鈎連羊。煩渴石膏麥冬粉。欬前桔杏蘇桑。傷食腹熱查芽枳。下利苓連嘔半姜。咽痛蒟梗身羌獨。頭痛荆穗芎芷羌。

【升麻葛根湯】 升麻 葛根 赤芍藥 生甘草 引加芫荽水煎服。
歸宗湯○形實無表毒火盛所以歸宗主大黃地芍查青通荆蒟壯熱爪紫肢厥涼。惡熱頭汗蒸蒸汗。便秘譫語煩躁狂大渴唇焦舌生刺失血腰痛不循常。

【歸宗湯】 大黃 生地黃 赤芍藥 山查 青皮 木通 荆芥穗 牛蒡子炒 引加燈心水煎服。

清解散○痘驚清解升葛蒟荆防甘草桔連芩蟬翹芎前查通紫表羌蘇

芷弱者參

【清解散】 防風 荊芥 牛蒡子炒 生甘草 升麻 葛根 桔梗

黃連 黃芩 蟬蛻 紫草茸 川芎 前胡 山查 木通 連翹

去心 引加生姜燈心水煎服。

寬中透毒飲○傷食寬中透毒飲葛桔前青樸枳查麥蟬翹蒡連荊草便
秘大黃木通加。

【寬中透毒飲】 葛根 桔梗 前胡 青皮 厚樸姜炒 枳殼麩炒

南山查 麥芽炒 蟬蛻 連翹去心 牛蒡子炒研 黃連 荊芥

穗芥 甘草生 引加生薑燈心水煎服。

見點順證○發熱三朝始見點熱減身和不渴煩顆粒稀疎漸次出色潤
紅活頂尖圓

見點險證○痘已見形身仍熱稠密連絡不潤紅稀疎淡隱精神少痘順兼雜病險名

見點逆證○發熱一朝卽見形一齊湧出不分明密如蠶種平塌隱紫黑乾枯逆證凶。

見點證治○發熱三朝漸見點熱減形疎色潤紅應出不出猶熱已出復隱湧出凶赤紫黑白分亮黯平板稠連辨緊鬆當審風寒毒火制氣血虛失領載能。

蘇解散 歸宗湯 保元湯 升麻葛根湯○應出不出表蘇解羌蘇升葛枯荆以川芎前薄荷查通草裏熱毒伏歸宗湯不足不出無表裏參耆甘草保元湯毒輕升麻葛根並毒重攻毒救正良

【蘇解散】 川芎 前胡 牛蒡子炒 南山查 木通 生甘草 羌

活蘇葉 升麻 葛根 桔梗 荊芥 防風 引加芫荽水煎服

【歸宗湯】方見發熱證治

【保元湯】 人參 黃耆製 甘草炙 引加生姜水煎服○升麻葛根

湯方見發熱證治

涼血攻毒飲 清熱解毒湯○已出猶熱分表裏。在內涼血攻毒佳紅花紫草丹蟬葛合上歸宗減去查在外清熱解毒治。歸宗大赤不須加更入前連丹蟬蛻紫花地丁滑紅花。

【涼血攻毒飲】 大黃 荊芥穗 木通 牛蒡子炒 赤芍 生地

青皮 蟬蛻 紅花 紫草 葛根 丹皮 引加燈心水煎服。

【清熱解毒湯】 荊芥穗 木通 牛蒡子炒 生地 青皮 山查

丹皮 紅花 蟬蛻 前胡 紫花地丁 黃連 滑石 引加燈心。

水煎服。

蘇解散 必勝湯 保元湯 千金內託散○已出復隱謂之陷。外邪閉

塞蘇解良內毒必勝桃紅葛丁蟬地龍歸宗湯。氣虛陷入保元主無熱干

金內託方。保元加桂歸芎芍。白芷查朴木香防。

【蘇解散】方見本條證治

【必勝湯】 大黃 荆芥穗 赤芍 青皮 生地黃 山查 木通

牛蒡子炒 桃仁 紫花地丁 蟬蛻 葛根 地龍 紅花 蘆根水

煎藥服

【保元湯】方見本條證治

【千金內託散】 人參 黃耆製 甘草炙 官桂 當歸 白芍藥炒

川芎 白芷 南山查 厚朴姜炒 木香 防風 引加生薑水煎

服

南金散 必勝湯○見點外觸諸邪穢痘陷灰滯黑焦塌輕虛南金蠶荷葉重實必勝最爲佳

【南金散】 白殭蠶取直者炒 紫背荷葉各等分取霜後搭水者 共爲末每服五分或

一錢芫荽汁和黃酒少許調下

【必勝湯】方見發熱證治

加味歸宗湯○熱未三朝齊湧出毒火內發迅難當歸宗湯內加紫草石膏犀連歸尾良

【歸宗湯】方見發熱證治

清熱解毒湯 涼血攻毒飲 千金內託散 歸宗湯○赤紫明澤解毒治黑暗焦枯攻毒良灰白亮虛內託散灰白滯鬱歸宗湯

【清熱解毒湯○涼血攻毒飲○千金內託散方俱見本條證治○歸宗湯方見發熱證治】

紫草飲子 歸宗湯○平塌板鞭根鬆散。氣虛紫草飲木通紫甲查蟬參

枳殼根脚緊束主歸宗

【紫草飲子】 紫草 蟬蛻 人參 穿山甲炒 枳殼麩炒 山查

木通 水煎服

歸宗湯○痘出稠密或粘連總是梟毒不必言惟以歸宗攻毒主根鬆猶可緊鞭難。

起脹順證○三朝出齊漸次長。尖圓碍指脚紅活。頂漸放白肥潤滿順證飲食二便和。

起脹險證○起時頂陷灰或紫。稠密嬌紅不綻蒼。形色雖順夾雜險。證險神清胃壯康。

起脹逆證○起脹肉腫痘不腫根血散亂頂平塌紫黯乾枯灰白滯名爲逆證勢多差

起脹證治○痘當起脹漸尖圓紅潤根鬆體厚堅平凹嫩白爲虛證赤紫板塌是毒殘更有風寒滯熱鬱毒不透達起發難察痘形色分所屬合證虛實寒熱參。

保元化毒湯○平凹灰白皮嫩亮倦息氣乏不渴煩保元化毒參耆草芎歸查甲芷香蠶

【保元化毒湯】 人參 黃耆蜜炙 甘草炙 當歸 南山查 穿山

甲炒 白芷 木香 殭蠶炒研 川芎 引加煨姜水煎服

必勝湯 歸宗湯○艷紅紫黯不起脹板硬平塌不綻鬆證見陽熱一切證急服必勝或歸宗。

【必勝湯】

方見見
點證治

○歸宗湯

方見發
熱證治

蘇解散○外因風寒痘不起。淺淡黯滯不潤紅。發熱惡寒無汗表。蘇解散發自然鬆。

【蘇解散】

方見見
點證治

寬中快癩湯○傷食滯熱鬱不起。惡食腹熱便臭粘。快癩透毒加陳木減葛莠穗。桔前蟬。

【寬中快癩湯】

青皮醋炒

陳皮

枳殼炒

南山查

麥芽炒

木

香黃連生

連翹去心

厚朴炒

甘草生

引用生姜水煎服。

灌漿順證○順證七朝漿自行。先起先灌次第明。由紅轉白漸肥澤。九日蒼蠟顯痂形。

灌漿險證○灌漿漿清不按期。行遲收早總非宜。亮軟根豔並水泡。不雜

他證險可醫。

灌漿逆證○紫黑灰白漿不行。癩爛癢塌痘殼空。稠密無漿自不閉。已閉行漿復開凶。

灌漿證治○毒化漿行領載功。膿窠充滿根暈紅。板黃灰滯紫黯熱。地紫形焦毒熱凝。根暈淡紅血虧少。頂陷灰白氣不盈。皮薄漿清根無暈。氣血虛弱甚分明。

清毒活血湯○板灰紫黯漿不生。清毒活血地歸茸。查芍翹芩連桔。木通參耆大酌行。

【清毒活血湯】 紫草茸 當歸 木通 生地黃 白芍酒炒 連翹

去心 牛蒡子炒研 南山查 桔梗 黃連 黃芩 人參 黃耆

生 引加燈心。水煎服便秘者加大黃。

加味歸宗湯○灌漿地紫彤焦黑毒火熾盛氣血凝歸宗湯內加歸犀紅紫犀連山甲丁

【加味歸宗湯】

千金內託散○淡血頂陷無漿膿。氣血虛失領載功。千金內託散堪服。氣充毒化自漿生。

【千金內託散

方見點證治】

參歸鹿茸湯○皮薄漿清根無暈。氣虛血縮變須臾。參歸鹿茸湯峻補。參歸鹿茸草黃著。

【參歸鹿茸湯】

人參

鹿茸白酒炙

歸身

甘草炙

嫩黃耆蜜炙

引加糯米水煎服。

收靨順證○十朝漿足應收靨先蠟後栗似螺形不疾不徐循次結痂潤

身和順證明

收靨險證○論證漿足色不蒼停漿不靨或爛傷。痂色紫黑不卽脫。便調食美不須慌。

收靨逆證○不靨外剝爲逆證。狀薄黑黯淡白凶痂靨粘連終不脫雖脫乾枯亦死形。

收靨證治○漿足蒼老頂微焦。漸次收靨不須療太遲太速皆非吉。須辨虛毒濕火條。漿清皮嫩爲虛象。焮赤潰皂毒熱滯。漿水浸潰濕淫勝靨速窠燥大煎熬。

回漿飲○皮嫩漿清收斂遲此證當從不足醫。回漿參苓白朮草首烏白芍炙黃耆。

【回漿飲】 人參 黃耆 蜜炙 白茯苓 白朮 土炒 何首烏 炙 白

芍炒 甘草炙 引用煨姜水煎服。

大連翹飲○焮赤潰臭因毒盛大連翹飲諸熱清。柴苓歸芍車梔草翹芎
荆防蟬滑通。

【大連翹飲】 連翹去心 防風 牛蒡子炒研 荆芥 黃芩 當歸

蟬蛻 柴胡 滑石 梔子 赤芍 車前子 木通 甘草生 引

加燈心水煎服。

除濕湯○徧體浸漬出水漿。證屬濕飲在脾鄉。除濕赤苓猪通澤。薄桂蒼
防白朮羌。

【除濕湯】 羌活 蒼朮米泔水漫炒 防風 赤芍 猪苓 澤瀉 白朮土炒

木通 薄桂 引加生姜燈心水煎服。

清毒散○醫速皆因是火傷。徧體窠燥異尋常。清毒歸芍連丹草翹旁通

花生地黃

【清毒散】 生地 赤芍 連翹去心 金銀花 牛蒡子炒研 木通

黃連 當歸 丹皮 甘草生 水煎服。

結痂落痂順證○順證結痂次序脫。癍痕潤滿色紅活。額膝遲落不足慮。陰陽相濟自然脫。

結痂落痂險證○險證結痂不盡脫。癍痕乾燥少紅活。餘毒痕色多紫黯。痂後必發火瘍疔。

結痂落痂逆證○逆證結痂痂不脫。痂脫痕色白不紅。痘盤光紫或枯黯。氣乏形羸何以生。

結痂落痂證治○痂厚光澤如栗色。痂落癍紅潤滿平。乾燥不落血分熱。週痂浸淫濕所乘。半掀半連肌表熱。癍紫黑焦毒未清。色赤凸起爲風熱。

色白凹陷是虛形。

涼血解毒湯○結痂乾燥不潤澤。難落須知血分熱。涼血解毒歸地紫丹
紅翹芷連甘桔

【涼血解毒湯】 當歸 生地黃 紫草 丹皮 紅花 連翹 云心

白芷 川黃連 甘草生 桔梗 引加燈心水煎服

五苓散○結後根脚漏水漿。甚則潰爛乃濕傷。五苓散中猪澤桂。茯苓白
朮更相當

【五苓散】 猪苓 澤瀉 肉桂 茯苓 白朮土炒 引加燈心水煎
服

荆防解毒湯○半掀半連因表熱。似落不落勢纏綿。荆防解毒芍地草金
銀通桔骨翹攢

【荆防解毒湯】 荆芥 防風 赤芍藥 生地黃 甘草 生 金銀花

木通 桔梗 地骨皮 連翹去心 引用生姜水煎服。

黃連解毒川味湯○痲落癩紫黑與焦毒熱鬱結未曾消解毒芩連梔子
藜加丹生地草金翹

【黃連解毒川味湯】 黃連 黃芩 梔子 黃蘗 丹皮 生地黃

甘草 生 金銀花 連翹去心 引川燈心水煎服。

解毒防風湯○落後痲赤作腫形內熱未解復受風解毒黃芩生地草翹
芩荆防金芍升。

【解毒防風湯】 黃芩 生地黃 甘草 連翹去心 牛蒡子炒研

荆芥 防風 金銀花 赤芍 升麻 引川生薑水煎服。

十全大補湯○落痲凹陷最可虞色白形羸氣血虛大補參苓白朮草歸

芎芎地桂黃著。

【十全大補湯】

人參 茯苓 白朮土炒 甘草炙 當歸 川芎

白芍炒 熟地黃 肉桂 黃著蜜炙 引用煨姜水煎服。

面身痘形圖說

看痘訣曰三五相連 恐不吉四六排牽定

面部吉凶圖



是凶一二上下皆吉 道雙單挾處不須憂

面部吉凶論○面為諸陽聚會之所其部位各有所屬欲識痘出之吉凶須按部位驗之則立判矣如額屬心位自印堂以上髮際以下至日月兩角若先見點先作漿先結靨者皆惡候也以心為君主義不受邪先見於是位者乃毒發於心故非吉兆也左頰屬肝右頰屬肺若兩頰先見紅點

磊落分明者吉。如相聚成塊。地界不清。肉體腫硬者凶。蓋肝藏魂。肺藏魄。鼻毒侵犯。則魂魄將離。安望其有生意乎。頰下屬腎。自承漿以至兩頤。先見點。先灌。先靨者吉。誠以此位雖係腎部。而三陰三陽之脈。皆聚於此。先發先灌先靨者。乃陰陽和暢。故可治也。至若鼻屬脾藏。位在中央。所最忌者。準頭先出與先靨也。蓋脾土榮養於四藏。若毒發於脾。是脾敗矣。脾敗則四藏亦隨之而敗。卽纏綿時日。亦不過苟延性命而已。夫耳爲腎竅。又少陽相火之脈。行耳前後。故凡耳輪先見紅點者。乃火毒燔灼。難以撲滅。非吉象也。最可喜者。口脣四圍先出先灌先靨也。以陽明之脈。挾口環脣。胃與大腸主之多氣多血之處。無物不受。故主吉也。此藏府部位之要。須詳察於平時。庶能權宜於臨證也。

蒙頭○痘瘡貫頂。號蒙頭。毒參陽位。最可憂。形尖鬆肌通聖治。紅腫如瓜。

蒙頭圖



藥杆投

【鬆肌通聖散】

荆芥 羌活 牛蒡子炒研

防風 紫草 紅花 青皮 當歸 赤芍 紫花地丁 蜂房 山

查 木通 引加蘆筍 芫荽 水煎服 方歌 鬆肌通聖藥最靈 荆芥羌蒡

共防風 紫草 紅花 青歸 芍地 丁蜂房 查木通

抱鬢圖



抱鬢○兩鬢出痘貴稀朗稠密粘連火毒狂鬆肌通聖先透發繼以歸宗攻毒良

【鬆肌通聖散

方見蒙頭證治

○歸宗湯

方見發熱證治】

蒙飢○痘攢耳後名蒙飢腎經伏毒最可憂鬆肌歸宗兩酌用燕脂貼法

蒙飢圖



莫遲留

【鬆肌通聖散

方見蒙頭證治

○燕脂膏

升麻煎濃湯去滓

用棉燕脂於湯內揉出紅汁。再加雄黃細末調勻貼患處。○歸宗湯方見

發熱
證治

鎖眼圖



鎖眼○兩眼週圍獨稠密。痘名鎖眼。毒傷脾。外用燕脂膏貼法。內服清熱解毒宜。

【燕脂膏】

方見蒙
飢證治

清熱解毒湯方見見
點證治

抱鼻圖



抱鼻○痘如蠶種繞鼻端。毒聚脾肺證難延。外用燕脂塗鼻上。內服黃連解毒煎。

【燕脂膏】

方見蒙
飢證治

黃連解毒湯方見結痂
落痂證治

鎖口圖



鎖口○鎖口鼻毒伏脾經。或單或雙。遠唇生。外用鍼刺燕脂法。內服瀉黃散即寧。

【燕脂膏】

方見蒙
飢證治

【瀉黃散】犀角 黃連 生地 青皮 木通 石膏 丹皮 荆芥

穗 牛蒡子炒研 大黃 紅花 紫花地丁 引用燈心水煎服

方鎖口瀉黃散最靈犀連生地青木通石膏丹皮荆牛蒡大黃紅花合

地丁

鎖唇圖



鎖唇○鎖唇痘聚口唇內腫裂黃乾板硬實瀉黃散
內合豬尾燕脂貼法莫少遲

【瀉黃散

方見鎖口證治

○豬尾膏

取小雄豬尾尖血十數

滴和梅花冰片少許即調於煎劑內服○燕脂膏

方見蒙飢證治

託腮○託腮腮邊痘成攢氣為毒阻起發難急用

黃連解毒治板硬紫黯歸宗先

【黃連解毒湯

方見結痂落痂證治

○歸宗湯

方見發熱證治

託腮圖



鎖項圖



鎖項○當喉攢聚名鎖項毒結咽喉命必難音
啞聲噎食難入清金攻毒是良煎

【清金攻毒飲】

牛蒡子炒研

苦桔梗

甘草生

元參

枳殼麩炒

僵蠶炒

前胡

荆芥穗

大黃

山查

蟬退

山豆根

引加燈

心水煎服

方歌

清金攻毒飲如神牛蒡甘桔合元參枳殼僵蠶前胡穗

大黃山查蟬豆根

披肩圖



披肩○披肩兩肩痘成攢上下阻塞毒透難清熱
解毒湯投證便祕歸宗又為先

【清熱解毒湯】

方見見點證治

○歸宗湯

方見發熱證治

聚背圖



聚背○背間痘出不宜多若逢攢聚命蹉跎根鬆
鬆肌燕脂貼緊硬必勝湯可活

【鬆肌通聖散】方見蒙 點證治 ○燕脂膏方見蒙 點證治 ○必勝湯方見見 點證治

攢胸圖



攢胸○胸前出痘貴稀輕攢聚粘連毒熱凝速用
涼膈攻毒飲免使臬毒內裏攻。

【涼膈攻毒飲】 梔子生 黃連生 石膏生 荊芥 紫花地丁 枳

殼麩炒 桔梗 元參 生地 牛蒡子炒研 大黃 赤芍 甘草

生 薄荷 木通 引加燈心竹葉水煎服。方歌 涼膈攻毒治攢胸。梔

連石膏荆地丁 枳桔元參生地蒡大黃芍卓薄木通

斷橋圖



斷橋○斷橋之痘形甚異腰間絕無上下密氣血
阻滯毒熱壅歸宗峻攻痘出吉。

【歸宗湯】方見發 熱證治

纏腰○腰為腎候痘宜疎。連珠環遶奈何如治宜攻毒莫少待歸宗急服

圖嬰纏



患能除。

【歸宗湯】方見發熱證治

囊腹○囊腹剛痘如囊。臬毒衝突勢猖狂。透毒鬆

圖腹囊



肌通聖散攻毒歸宗湯甚良。

【鬆肌通聖散】方見蒙頭證治○歸宗湯方見發熱證治

圖坐鱗



鱗坐○鱗坐兩臂痘若鱗。急急治之莫逡巡。平扁灰滯涌聖效。板硬紫黯歸宗神。

【鬆肌通聖散】方見蒙頭證治

○歸宗湯方見發熱證治

圖囊



囊○囊毬痘密在腎囊。毒聚於斯最難當。即用散結湯調治。毒宜熱解始安康。

【散結湯】

荆芥

羌活 牛蒡子炒

升麻

川芎

丹皮

紫花地

丁 赤芍 木通 紫草 青皮 山查 引加蘆筍十株水煎服。

方歌散結湯中藥堪誇。荆芥羌旁共升麻。川芎丹皮地丁芍木通紫草青

山查

抱膝圖



抱膝○兩膝之痘獨稠密。因地命各為抱膝。須防行漿難下。達速用鬆肌通聖治。

【鬆肌通聖散

方見蒙頭證治】

無根圖



無根○足踝以下痘無形毒熱。鋼弊勢多凶。速宜驅毒扶脾氣。快癩越婢湯有功。

【快癩越婢湯】

黃耆蜜炙

桂枝

防風

白芍藥炒

甘草生

引

用生姜紅棗水煎服

方歌

快癩越婢藥最靈。黃耆桂枝及防風。白芍甘

草薑棗引煎服之後痘自生

圖皮蛇



蛇皮○蛇皮痘出似蛇皮。隱隱簇簇漫無拘。毒輕歸宗湯調治。毒重必勝猪尾宜。

【歸宗湯方見發熱證治○必勝湯方見發熱證治○猪尾膏方見鎖唇證治】

圖種蠶



蠶種○痘出形如蠶佈種。臭毒勢重逆而凶。速用歸宗湯救治。毒鬆痘起可望生。

【歸宗湯方見發熱證治】

圖窩燕



燕窩○痘形纍纍似燕窩。聯絡細密不成顆。外用燕脂點痘上。內服涼血解毒和。

【燕脂膏

方見蒙軌證治

○涼血解毒湯

方見結痂落痂證治】

圖跡鼠



鼠跡○四五相連名鼠跡。周身爲重少見輕。速用歸宗攻毒熱。相併成泡始堪生。

歸宗湯 方見發熱證治

圖錢疊



疊錢○痘形平伏無顆粒團圍攢聚若疊錢外用燕脂調貼法內服涼血毒攻痊

【燕脂膏 方見蒙軌證治】○涼血攻毒飲 方見見點證治

圖珠環



環珠○痘出圍繞若環珠毒氣壅滯宜早圖清熱解毒為妙劑毒解漿生患自除

【清熱解毒湯 方見見點證治】

圖萍浮



浮萍○視之有點按無形參差紫黯若浮萍速用涼血攻毒劑能使毒鬆色轉紅

【涼血攻毒飲 方見見點症治】

蟹爪○痘形連貫顆碎密下闊下細蟹爪形起脹根鬆毒始解清熱解毒

圖爪蟹



服有功。

【清熱解毒湯】方見見點證治

蕪沙○痘形歪斜復扁闊無頂無盤名蕪沙通聖

歸宗酌量用頂起根鬆痘始佳

【鬆肌通聖散】方見蒙熱證治○歸宗湯方見後

水泡○痘夾水泡因肺熱或紫或赤微甚別內服

涼血解毒湯外用鍼刺出惡血

圖泡血



【涼血解毒湯】方見結痂落痂證治

水泡○水泡以淫尅脾經十足稠密身面輕內服

加味保元劑外塗胡荽呂粉靈

【加味保元湯】 人參 猪苓 澤瀉 白朮土炒

圖泡水



黃耆蜜炙

赤茯苓

炙甘草

引用生姜水煎服。

方歌

加味保元功

最捷。人參猪苓共澤瀉。白朮黃耆赤茯苓甘草生姜同一列。胡荽酒

胡荽四兩切碎

黃酒半斤

同煎勿令洩氣候溫調宮粉搽敷破處。

肉腫瘡不腫圖



肉腫瘡不腫○瘡未起脹肉腫浮皮光色豔最堪
愁赤豔羌活救苦治淡宜參歸大補求通身盡赤
毒熱熾速以歸宗及早投

【羌活救苦湯】

蔓荊子

羌活

牛蒡子炒

升麻

黃耆

川芎

連翹去心

桔梗

白芷

防風

人中黃

引用荷葉水煎服

方歌

羌活救苦湯最良升麻川芎合羌防牛蒡黃耆

白芷翹蔓荊桔梗人中黃

【參歸大補湯】

人參

當歸

黃耆

甘草

白芷

川芎

防風

紫草茸 木香 南山查 厚朴姜炒 桔梗 引用生姜水煎服

方歌 參歸大補最有靈。參耆當歸桔川芎。防風白芷木香草厚朴山查紫

草茸

【歸宗湯】方見發熱證治

乾枯圖



乾枯○毒火煎灼傷陰血。痘體乾枯少潤澤。當歸活血加味嘗。治若少緩變莫測。

【當歸活血湯】 當歸 川芎 赤芍 生地 紅花 紫草 黃芩

黃連 大黃 水煎服 方歌 加味當歸活血湯。痘色乾枯服正良。四物

紅花共紫草。加入芩連生大黃。

鋪紅○鋪紅多因元氣虛。血不歸附毒漫行。肌膚盡紅根赤豔。氣失統攝痘多凶。氣虛九味神功補。毒盛涼血解毒清。

鋪紅圖



【九味神功散】人參 黃耆 紫草茸 紅花

前胡 牛蒡子炒研 甘草生 白芍藥酒炒

生地黄 引用大棗水煎服 方歌 九味神功治鋪

紅人參黃耆紫草茸紅花前胡牛蒡子白芍生地黄棗相從

【涼血解毒湯】方見結痂落痂證治

根窠無暈圖



根窠無暈○血虛痘色多散漫根窠淡白少鮮艷弓

歸保元湯可投參歸鹿茸有奇驗

【芎歸保元湯】人參 甘草炙 黃耆蜜炙 當

歸酒洗 川芎 引用龍眼肉水煎服 方歌 芎歸保元治血虛八參甘

草共黃耆酒洗常歸川芎配龍眼作引服無時

【參歸鹿茸湯】方見灌漿證治

皮薄漿嫩圖



皮薄漿嫩○痘瘡皮薄根不紅待得成膿漿淡
清溶溶破爛不完整氣血虛弱證多凶速服十
全大補劑氣充血足始堪生

【十全大補湯】

人參

黃耆蜜炙

茯苓

當歸

白朮土炒

肉桂

甘草生

白芍酒炒

熟地黃

川芎

引用煨姜水煎服

方十全歌

大補湯最靈人參黃耆白茯苓當歸白朮肉桂草白芍熟地及川芎

空殼無漿圖



空殼無漿○痘殼無漿漿不行有虛有實要分明
根色淡白血虛弱紫緊由於血熱凝千金內託同
四物因證施治莫遲停

【千金內托散】

方見見點證治

【加味四湯】

生地酒洗

川芎

白芍酒炒

當歸酒洗

連翹去心

紫草茸酒洗

水煎服

方歌

加味四物湯當歸生地黃川芎白芍藥紫

茸連翹良。

痘頂場陷圖



痘頂場陷○痘根雖紅頂陷場此證多緣氣虛見
面白肢冷食懶嘗虛煩便溏身怠倦急用補中益
氣湯氣充頂升漿充貫

【補中益氣湯】

黃耆蜜炙

白朮土炒

人參

升麻炒

柴胡炒

陳皮 甘草炙

當歸身

引用煨姜水煎服

方歌

補中益氣效如神

黃耆白朮共人參升麻柴胡陳皮草煨姜大棗及歸身

灰陷白陷○氣血虛寒不振揚灰白頂陷少膿漿

速用參歸鹿茸劑雞冠血酒更堪嘗

灰陷白陷圖



【參歸鹿茸湯】

方見灌漿證治

【雞冠血酒】 用大雄雞一隻。先將白酒一杯炖溫。次刺雞冠血數點。滴入杯中。和勻。仍炖溫。調煎藥內服。

紫陷黑陷圖



紫陷黑陷○紫陷黑陷皆毒盛。平塌昏暗根不鬆。此屬氣血被火鬱。解毒急宜用歸宗。

【歸宗湯】 方見發熱證治

板黃圖



板黃○漿未充足。痘板黃。頂塌成片。皮硬僵。氣滯血凝。難灌漑。皆緣熱毒侵脾。鄉速服清毒活血劑。毒化痘起轉安康。

【清毒活血湯】

當歸

白芍藥酒炒

生黃地

紫草茸酒洗

黃芩

黃連酒炒

牛蒡子炒

南山查

連翹去心

人參

黃耆生

桔

梗木通 引用燈心水煎服

方歌

清毒活血湯最靈。歸芍生地紫草

茸芩連牛蒡山查翹參耆桔梗台木通

倒靨圖



倒靨○倒靨漿清陷不紅痘殼皮皺痂不成速用

加味保元劑氣充血足痘收功

【加味保元湯】

人參 黃耆蜜炙

甘草炙

全當歸酒洗

白芍酒炒

木香煨

白朮土炒

官桂

引用老米

水煎服

方歌

加味保元湯倒靨人參黃耆甘草協當歸白芍廣木香白

尤官桂效更捷

痘疔圖



痘疔○痘疔鼻毒亂正瘡色紫黑黯形堅強先出
先長妨諸痘鍼刺隨貼四聖良

【四聖膏】

菘豆

四十九粒

豌豆

四十九粒

珍珠

一分

頭髮

一分

右爲細末以棉燕脂水調成和膏將銀鍼撥開瘡頭

然後塗之

挑痘疗圖



挑痘疗法○痘疗須用鍼挑撥。輕重徐急。貴合宜。破頂傷肌俱深忌。上漿急挑莫遲疑。

【灸鍼法】 甘草生 甘遂 川烏 草

烏各等分

用水一鍾入砂罐內。以水乾爲度。每次可灸四五針。灸好入

鵝翎筒內。黃蠟塞口收之。

二·痘中雜證

發熱○表熱無汗升麻湯。裏熱有汗消毒良。行漿毒蒸清毒劑。結後餘熱連翹方。

〔升麻葛根湯〕

方見發熱證治

【加減消毒飲】 升麻 牛蒡子炒研 山豆根 紫草 連翹去心

生地黃 赤芍 川黃連 甘草生 引用燈心水煎服。

方歌 加減消毒飲如神。升麻牛蒡山豆根。紫草連翹生地芍。黃連甘草引

燈心。

【清毒活血湯】 方見灌漿證治 ○大連翹飲 方見收醫證治

驚搖○未見點搖清解方。已見猶搖導赤良。醫後虛搖盜神劑。食蒸發搖
大安康。

【清解散】 方見發熱證治

【導赤散】 本通 生地黃 淡竹葉 甘草梢 引用燈心水煎服。

方歌 痘已見形仍作驚。導赤散治最有功。木通生地竹葉草。黃連加入效

通靈

【寧神湯】 人參 生地黃 麥門冬去心 梔子仁炒 黃連酒炒

冊石菖蒲 當歸身 甘草炙 辰砂 引用燈心水煎服。

方歌 寧神湯內用人參生地麥門山梔仁黃連菖蒲歸身草辰砂調服功

極神。

【木香大安丸】 山查肉 麥芽炒 神麴各一兩炒 枳實六錢麸炒 白朮一兩土炒

萊菔子四錢炒 連翹五錢去心 黃連三錢姜炒 木香三錢煨 縮砂仁五錢 陳皮八錢

右爲細末水泛爲丸炒陳倉米湯下量兒大小用之。

頭痛○痘中頭痛最堪驚毒冲風熱兩分明稠密壯熱連翹飲疎稀微熱

清解靈

【大連翹飲】方見收 ○清解散方見發
醫證治 熱證治

腰痛○痘當未出腰先痛毒火亢極陰難勝瀉毒不使傳腎經加味歸宗

宜速用。

【加味歸宗湯】 當歸尾 赤芍藥 元參 大黃生 羌活 荆芥穗

青皮炒 穿山甲炙 生地 東山查 牛蒡子炒研 木通 水煎

服。方歌加味歸宗治腰疼歸芍元參大黃生羌穗青皮穿山甲生地山

查蒡木通

腹痛○小兒發熱腹痛疼表鬱芍藥防風從裏鬱加味平胃散陰鬱桂枝
大黃靈。

【芍藥防風湯】 升麻 防風 陳皮 桔梗 川芎 白芍藥炒 甘

草生 厚朴姜炒 枳實麩炒 引用生姜水煎服

方歌芍藥防風解表鬱。升麻防風共陳皮。桔梗川芎白芍藥。甘草厚朴枳

實宜。

【加味平胃散】 陳皮 厚朴姜炒 神麴炒 南蒼朮米泔水浸炒 麥

芽炒 甘草生 香附米製 南山查 引用生姜水煎服

方歌 加味平胃治食傷陳皮厚朴神麴蒼麥芽甘草香附米山查同煎引

生姜

【桂枝大黃湯】 生大黃 桂枝 生甘草 白芍生 引用生姜水煎

服。方歌 桂枝大黃療陰鬱生軍泄熱效非常散寒桂枝調中草白芍和

中順氣強。

煩躁○未出煩躁消毒平。已出煩躁涼血寧。漿清發煩保元治。醫後虛煩

四物靈。

【加減消毒飲】方見雜證中發熱 ○涼血解毒湯方見結痂及痲證治

【加味保元湯】 人參 黃耆製 甘草炙 當歸酒洗 白芍藥炒

麥冬去心

棗仁炒研

水煎服

方歌

加味保元治虛煩人參黃耆甘

草攪酒洗當歸白芍藥麥冬棗仁一同煎

【加減四物湯】

人參

當歸

麥門冬去心

生地

梔子炒

白芍

藥炒

水煎服

方歌

醫後血虛多煩躁。加減四物湯最妙。人參當歸麥

門冬。生地。梔子。白芍。效。

譫妄○毒熱熾盛犯心經。錯語妄言神不清。妄見妄聞志昏憤。黃連解毒服卽寧。

【黃連解毒湯】

方見結痂落痂證治

渴○初熱大渴解毒湯。血熱煎耗涼血良。成漿津洩麥冬散。醫後傷津生脈強。

【葛根解毒湯】

葛根

升麻

天花粉

甘草生

麥門冬去心

生

地 茅根 引用燈心水煎服

方歌

葛根解毒湯清熱津液上潮火自

洩。升葛花粉生甘草。麥冬生地茅根列。

【涼血解毒湯】

方見結痂落痂證治

【人參麥冬散】

人參

白朮土炒

甘草生

葛根粉煨

麥冬去心

升麻 引用糯米水煎服。

方歌

人參麥冬效通仙。津液外洩治易痊。參

朮甘草煨葛粉麥冬升麻糯米煎。

【生脈六均湯】

人參

五味子

麥門冬去心

陳皮

半夏姜製

茯苓

白朮土炒

甘草炙

引用烏梅水煎服。

方歌 生脈六均醫脾弱。泄瀉傷津大渴作。人參五味麥門冬。陳半苓朮甘草

草合。

厥逆○爪白便清厥屬寒。木香理中湯可痊。爪紫便赤爲熱厥。金花承氣

乃良煎

【加減陳氏木香散】 人參 肉桂 茯苓 半夏姜製 白朮土炒

丁香 肉豆蔻麵裹煨 甘草炙 訶子肉麵裹煨 木香煨 引用生

姜水煎服。方歌 木香散療中外寒參桂茯苓半夏攢白朮丁香肉豆蔻

甘草訶子木香研。

【附子理中湯】 人參 附子製 甘草炙 白朮土炒 乾姜 水煎

服。方歌 附子理中治虛寒中外無陽莫留連。人參附子炙甘草白朮乾

薑一同煎。

【梔子金花湯】 黃芩 黃連 黃蘗 大黃 梔子 水煎服。

方歌 熱厥梔子金花湯熱極反寒服最良。黃芩黃連並黃蘗大黃梔子共

煎嘗。

【承氣湯】 厚朴姜炒 枳實麩炒 大黃 水煎服

方歌 承氣湯能除火熱。裏實不便毒氣結。厚朴枳實川大黃煎服便利毒

即洩

喘○風寒客肺杏蘇先。痰熱涼膈白虎煎。泄瀉聲微參朮劑。倒鑿作喘歸
茸痊

【杏蘇飲】 蘇葉 枳殼麩炒 桔梗 葛根 前胡 陳皮 甘草生

半夏姜炒 杏仁炒去皮尖 茯苓 引用生姜水煎服。方歌 杏蘇飲治肺傷

風蘇葉枳桔葛根從前胡。陳皮生甘草半夏杏仁白茯苓

【涼膈白虎湯】 薄荷 連翹去心 石膏生 知母生 黃芩 甘草

生 梔子 大黃 朴硝 引用粳米水煎服。方歌 涼膈白虎治火喘。

薄荷連翹共石膏。知母黃芩生甘草。梔子大黃配朴硝

【人參白朮散】 藿香 白朮土炒 葛根 木香煨 甘草炙 白茯苓

苓 人參 引用生薑水煎服。方歌脾虛白朮散如神藿香白朮共葛

根木香甘草茯苓配人參加入扶元真。

【參歸鹿茸湯】方見灌漿證治

痰○痰因津液貯留生。痘瘡之火煉而成加味二陳斟酌用。灌漿保元化

毒寧。

【加味二陳湯】 麥門冬去心 前胡 括蕤仁 陳皮 半夏姜製

茯苓 甘草生 枳殼麩炒 桔梗 杏仁炒去皮尖 黃芩 引用生薑。

水煎服。方歌痘證多痰宜二陳。麥冬前胡括蕤仁。陳皮半夏茯苓草枳

桔杏仁共黃芩。

【保元化毒湯】方見起脹證治

咳嗽○毒熱薰蒸火灼金。肺氣上逆咳嗽頻。初熱見點杏蘇飲。收靨清隔

二陳神。

【杏蘇飲】方炒
喘證

【人參清膈散】 人參 黃耆生 茯苓 白朮土炒 黃芩 當歸

白芍微炒 知母生 桔梗 甘草生 柴胡 滑石飛 紫苑 地

骨皮 桑皮炒 引用生姜水煎服。方歌清膈散療靨後咳。參耆苓朮

苓歸芍知桔甘草柴滑石紫苑地骨桑皮合。

【加味二陳湯】方見
痰症

乾噦○痘瘡乾噦病勢沉。毒熱上逆正難禁。實熱橘皮竹茹劑。虛寒丁香

柿蒂神。

【橘皮竹茹湯】 橘紅 半夏姜製 麥門冬去心 枇杷葉姜炙 甘

草生 竹茹 赤苓 人參 引用蘆根水煎服。方歌橘皮竹茹湯如

神喘醫胃熱嘔逆頻。橘半麥冬枇杷草竹茹赤苓與人參。

【丁香柿蒂湯】 丁香 人參 高良姜 柿蒂 水煎服。

方歌丁香柿蒂湯治寒。胃氣上逆不得安。丁香良姜人參共。更入柿蒂一

同煎

嘔吐○毒盛嘔吐二陳良。吞嚙不利鼠黏湯傷食吐酸大安效。氣虛作嘔和胃方。

【梔連二陳湯】 陳皮 半夏姜製 茯苓 甘草生 梔子姜炒 川

黃連姜炒 引用生姜水煎服。方歌毒氣冲胃吐頻頻。醫治須用宜二

陳陳半茯苓生甘草。梔連姜炒效如神。

【加味鼠黏子湯】 桔梗 射干 連翹去心 荊芥 防風 山豆根

鼠黏子炒研

乾薑

水煎服

方歌

加味鼠黏湯極合桔梗射干同連

翹荆芥防風山豆根鼠黏子炒配乾葛

【木香大安丸】

方見驚搖

【參砂和胃湯】

人參

白朮土炒

藿香

茯苓

陳皮

半夏姜製

縮砂仁

甘草炙

引用煨姜水煎服

方歌

虛吐參砂和胃湯人參白

朮共藿香茯苓陳皮製半夏縮砂甘草引煨姜。

噎水、毒壅會厭水難納。溢入氣喉噎始發明喉腫痛道路狹。甘桔解毒

皆妙法

【加味甘桔湯】

牛蒡子炒

苦桔梗

生甘草

射干

水煎服

方歌 加味甘桔湯最良痘證噎水效非常牛蒡子合苦桔梗甘草射干共

煎嘗。

【加味解毒湯】元參 苦桔梗 麥門冬去心 當歸尾 赤芍 生

地黃 連翹去心 牛蒡子炒研 丹皮 紅花 甘草生 木通

引用燈心水煎服。方歌加味解毒湯最靈元參桔梗麥門冬歸芍生地

翹牛蒡丹皮紅花草木通

口噴穢氣○發痘脾胃被毒侵。口噴穢氣不堪聞。毒火燔灼宜速治。加味

歸宗功效神。

【歸宗湯】方見發熱證治

不食○便秘不食毒解湯。脾虛不食參朮良。不食咽腫甘桔劑。傷食惡食

平胃嘗。

【涼血解毒湯】方見結痂落痂證治○人參白朮散方見喘證○加味甘桔湯方見噎水

【加味平胃散】方見腹痛

汗○熱少汗微榮衛暢。太過須防陰液亡。自汗不止保元劑。盜汗夜熱六黃湯。

【加味保元湯】 人參 黃耆蜜炙 浮小麥 甘草炙 廣桂枝 白

芍炒 水煎服。方歌 陽虛汗出用保元。人參黃耆浮麥甘。廣桂枝同白

芍藥。歛汗實腠。此爲先。

【當歸六黃湯】 黃芩 黃蘗 黃連 生地 熟地 當歸 黃耆生

水煎服。方歌 六黃湯歛陰。虛汗黃芩黃蘗共。黃連地熟生。黃當歸配黃

耆。倍用效通仙。

祕結○痘瘡內外宜宣暢。祕結氣血鮮流盪。大便不通四順宜。小便祕澀八正當。

【四順清涼飲】 白芍藥 當歸身 甘草生 生大黃 水煎服

方歌 四順清涼治祕結大便不通毒火烈白芍當歸大黃草急急前服效
最捷

【八正散】 車前子 瞿麥 扁蓄 梔子仁 大黃 甘草生 木通

滑石 引用燈心水煎服 方歌 八正散治小便祕車前瞿麥與扁蓄梔

子大黃木通草更入滑石煎成服

瀉○初熱作瀉柴苓先脾虛冷瀉木香煎色黃酸臭胃苓治灌漿虛滑豆
蔻丸

【柴苓湯】 黃芩 半夏姜炙 白朮土炒 甘草生 赤茯苓 豬苓

澤瀉 柴胡 引用生薑燈心水煎服 方歌 痘形未見先泄瀉柴苓疎

利功最捷苓半朮甘赤茯苓豬苓柴胡共澤瀉

【陳氏木香散】 方見厥逆

【胃苓湯】 陳皮 厚朴姜炒 赤茯苓 蒼朮米泔水浸炒 猪苓 澤瀉

白朮土炒 引用燈心水煎服。方歌 裏實作瀉胃苓治陳皮厚朴赤茯

苓蒼朮猪苓並澤瀉減桂倍朮效無窮。

【豆蔻丸】 白龍骨煨 肉豆蔻裹麩煨 木香煨 砂仁 訶黎勒肉各五錢麩

裹煨 赤石脂七錢半煨 白枯礬三錢 共為細末麵糊為丸如黍米大每服三

五十丸米湯飲下。

痢疾○痘瘡未愈痢隨生濕熱傷中證非輕白屬傷氣四君劑。紅屬傷血

四物靈。

【加味四君子湯】 茯苓 白朮土炒 人參 陳皮 木香煨 甘草

炙 黃連薑炙 芩芩 水煎服。方歌 加味四君妙如神茯苓白朮共

人參陳皮木香炙甘草姜炒川連配黃芩。

【加味四物湯】 川芎 當歸 生地 黃芩酒炒 川連酒炒 木香

白朮炒

水煎服。

方歌

加味四物治赤痢。川芎當歸共生地。酒炒黃芩

合川連。木香白芍調成劑。

癢○見點作癢葛根湯。灌漿癢場大補良。觸犯暴癢薰避穢。急煎內托免毒藏。

【加味升麻葛根湯】

升麻

葛根

防風

淡豆豉

赤芍

桂枝

甘草生

水煎服。

方歌

加味升麻葛根湯。痘出作癢最堪嘗。升葛防風

淡豆豉。赤芍桂枝甘草良。

【十全大補湯

方見結痂落痂證治】

【辟穢香】

蒼朮

大黃

茵陳等分

右剉細。棗肉爲餅。爐中燒之。能

辟邪穢。

【內託散】

黃耆蜜炙

人參

川芎

當歸

白芷

木香煨

桔梗

厚朴姜炒

甘草炙

肉桂

防風

引用姜棗水煎服

方歌

內託散防毒內攻黃耆人參與川芎當歸白芷木香桔厚朴甘草桂

防風

痛○小兒出痘若疼痛皆因毒火未發清疎散清解是妙方葛根四物湯極應

【加味四物湯】

當歸

赤芍

荆芥穗

防風

紅花

丹皮

牛蒡

子炒

連翹去心

川芎

生地黃

水煎服

方歌

毒盛加味四物湯當歸赤芍合荆防紅花丹皮牛蒡子連翹川芎生

地黃

【升麻葛根湯】

方見發熱症治

失音○痘之始終喜音清毒熱壅塞啞無聲喉中有痘不須治若是毒攻
甘桔寧

【加味甘桔湯】射干 牛蒡子炒 元參 連翹去心 麥門冬去心

梔子炒 苦桔梗 甘草生 水煎服 方歌加味甘桔治失音射干牛

蒡與元參連翹麥冬炒梔子桔梗甘草共和勻。

衄血便血○熱盛衄血犀角湯脾不統血參朮良熱注腸胃四物治脾虛
便血歸脾膏

【犀角地黄湯】犀角鎊 丹皮 生地 白芍水煎服。

方歌毒火上冲頰衄血犀角地黄湯效捷犀角鎊與牡丹皮生地白芍共

煎列。

【人參白朮散】方見喘證

髮灰散○用少壯無病人之亂髮。以皂角煮水洗淨。油氣焙乾。用新瓦罐一個。填入內。令滿淨。瓦片蓋口。鹽泥封之。炭火圍罐之半。煨一炷香。取出候冷。研細。吹鼻中。或用髮灰二分。童便七分。酒三分。調服。亦可止血。

【加味四物湯】

當歸 白芍酒炒 生地 牡丹皮 荊芥炒黑 川

芎 黃芩

黃連 地榆 水煎服

方歌

加味四物便血宜。歸芍生地

牡丹皮荊芥炒黑。川芎配黃芩黃連共地榆。

【歸脾湯】

人參 白朮土炒 甘草炙 黃耆蜜炙 棗仁炒碎 遠

志去心

龍眼肉 茯神 當歸 木香煨 引用姜棗水煎服。

方歌 歸脾湯治脾氣虛。人參白朮草黃耆。棗仁遠志龍眼肉。茯神當歸木

香宜。

寒戰咬牙○寒戰咬牙要分明。初熱在表羌活從肺胃。有熱四物劑氣血。

兩虛參歸靈

【羌活湯】 龍胆草 薄荷 防風 當歸 梔子 淡竹葉 羌活

甘草生 川芎 引用生姜水煎服。方歌羌活湯除風熱攻龍胆薄荷

共防風當歸梔子淡竹葉羌活甘草及川芎。

【加味四物湯】 生地 連翹去心 川芎 當歸 赤芍 石膏煨

麥門冬去心 川黃連姜炒 木通 水煎服。

方歌加味四物治熱盛寒戰咬牙二證併生地連翹芍芎歸石膏麥連木

通共。

【參歸鹿茸湯】方見灌漿證治

倦怠○倦怠多因氣虛弱。或緣滯熱困兒脾。虛而無熱補中治食滯傷脾

保元醫。

【補中益氣湯】方見痘頂場陷

【加味保元湯】 人參 黃耆生 甘草炙 梔子炒 黃芩酒炒 麥

門冬去心 山查 神麴炒 陳皮 麥芽炒 引用生姜大棗水煎

服。方歌 加味保元是熱虛。參耆甘草補厥脾。梔芩麥冬清心熱。查麴陳

麥消滯宜。

痘後浮腫○表虛風邪乘間入徧身面目虛腫浮。五皮桂枝微汗後面消身腫胃苓投。

【五皮湯】 地骨皮 桑皮蜜炙 五加皮 桂枝 薑皮 大腹皮 洗

引用燈心水煎服。方歌 痘後浮腫五皮湯。地骨五加蜜炙桑。桂枝薑皮

合大腹。引用燈心水煎嘗。

【胃苓湯】方見瀉證

痘後癰毒○餘毒未盡痘毒生輕則瘡癩重爲癰內用解毒湯俱可外敷紅玉膏有功

【解毒內託湯】 生黃耆 荊芥 防風 連翹去心 當歸 赤芍藥

金銀花 甘草節 木通 水煎服 方歌 解毒內託湯最靈黃耆荊芥

共防風連翹當歸赤芍藥銀花甘草與木通

【紅玉膏】 紫草一兩 紅花一兩 當歸二兩 黃蠟三兩 用香油

半觔先將藥燂焦去渣後下黃蠟令勻以冷爲度攤貼患處

目病○目病之由風熱成痘毒火鬱上攻睛赤腫澀痛洗肝散翳膜遮睛龍胆從

【洗肝散】 羌活 歸尾 防風 山梔仁 穀精草 薄荷 生甘草

川芎 水煎食後服 方歌 洗肝散治目痛疼羌活歸尾及防風山梔仁

同穀精草薄荷甘草配川芎

【龍膽湯】 防風 木賊草 密蒙花 蟬蛻 蔓荊子 龍胆草 菊

花 黃連 白芷 蒺藜 水煎服 方歌翳遮龍胆湯堪誇防風木賊

密蒙花蟬蛻蔓荊龍胆菊黃連白芷蒺藜佳

唇○脾經脈絡繞唇口出痘始終貴潤紅紫裂焦黑急宜治葛根解毒二方從

【加味升麻葛根湯】 赤芍 梔子 藿香 升麻 葛根 生甘草

防風 石膏 水煎服 方歌加味升麻葛根湯赤芍梔子與藿香升麻

葛根生甘草防風石膏共煎嘗

【黃連解毒湯 方見結痂落痂證治】

痘後牙疳○痘後牙疳毒熱攻口臭齲腫多痛疼內服清熱涼血飲外敷

中白散最靈

【清毒涼血飲】 知母 石膏 生地 黃連 當歸 赤芍 大黃

山梔子 丹皮 荊芥穗 連翹去心 水煎服。

方歌 清毒涼血治牙疳。知母石膏生地連。歸芍大黃山梔子。丹皮荊穗連翹煎。

【人中白散】

人中白 二錢煨

雄黃 八分

冰片 四分

硼砂

青黛

兒茶

各一錢

共爲細末。搽敷患處。

舌○舌乃心苗五內通。毒火一犯先見形。赤紫黑腫並舒弄。總以清熱犀角平。

【加味犀角湯】 荊芥 防風 牛蒡子炒 生甘草 桔梗 升麻

犀角 麥冬去心 梔子 黃連 石膏煨 水煎服。

方歌 加味犀角能散熱。荆防牛蒡同甘桔。升麻犀角麥門冬。梔子黃連石膏捷。

咽喉○咽喉之地司出入。毒火冲熾痛難堪。內用甘桔利咽劑。外吹牛黃散即安。

【加味甘桔湯】

方見失音

【利咽解毒湯】 防風 山豆根 麥冬去心 牛蒡子炒 黑參 苦

桔梗 生甘草 菉豆 水煎服。方歌 利咽解毒用防風。山豆根與麥

門冬。牛蒡黑參苦桔梗。甘草菉豆共煎濃。

【牛黃散】 川黃連生 黃蘗生 薄荷各八分 雄黃 火硝 青黛各二分半

牛黃 冰片 硼砂 硃砂各一分 共爲細末。每用少許。吹患處。

夾疹○痘中夾疹。因時氣毒火觸動。發其機。臨期休將痘瘡治。連將升葛

透疹宜

【升麻葛根湯】

方見發熱證治

夾癰○片片結就如雲頭。毒傷陰血浮火遊。表散荆防敗毒劑。清熱黃連解毒投。

【荆防敗毒散】

羌活 獨活 柴胡 前胡 荆芥 防風 生甘草

川芎

枳殼麩炒

桔梗

赤茯苓

引用生薑水煎服。

方歌夾癰宜用疎解劑。荆防敗毒進莫遲。羌獨柴前荆防草。川芎枳桔赤苓宜。

【黃連解毒湯】

方見結痂落痂證治

夾痧○痧形發時粟一般。顆鞭形圓頂又尖。粒中含水清漿樣。敗毒調治

自然安。

【荆防敗毒散】方見夾癩

水痘○水痘皆因濕熱成。外證多與大痘同形。圓頂尖。含清水。易脹易靨。不漿膿。初起。荆防敗毒散。加味導赤繼相從。

【荆防敗毒散】方見夾癩

【加味導赤散】 生地 木通 生甘草 連翹 黃連 滑石 赤苓

麥冬 去心 引用燈心 水煎服 方歌 加味導赤除濕熱 生地木通甘草

協翹 連滑石 苓麥冬 引加燈心 稱妙訣。

三·男婦年長出痘門

男子年長出痘○年長出痘總不宜真陰虧損元氣虛。一逢出痘毒沖熾。水不勝火豈能支。夾熱參麥清補劑。攻漿參歸鹿茸宜。

【參麥清補湯】 當歸 川芎 花粉 白芍 酒炒 生地 人參 生

黃耆 前胡 桔梗 牛蒡子炒研 生甘草 紅花 南山查 麥

冬去心 引用生薑水煎服。方歌參麥清補用歸芎花粉白芍生地同。

參耆前桔牛蒡草。紅花山查麥門冬。

【參歸鹿茸湯】

方見灌漿證治

○雞冠血酒方見灰陷白陷

婦女出痘行經。○婦女發痘遇經行。當期毒解不須驚。非期涼血解毒治。過期四物解毒從。去血過多氣血弱。十全大補服通靈。

【涼血解毒湯】

方見結痂落痂證治

【四物解毒湯】 當歸 白芍酒炒 生地 元參 梔子炒 川芎

生甘草 黃連酒炒 黃蘗酒炒 黃芩酒炒 水煎服

方歌四物解毒湯如神。歸芍生地共元參。梔子川芎生甘草。黃連黃蘗共

黃芩。

【十全大補湯方見結痂落痂證治】

孕婦出痘○妊娠出痘勢最難。母子相連。掌握間。審其所因。隨證治。如聖安胎效通仙。

【如聖散】 當歸身 陳皮 白朮土炒 大腹皮 黃芩 縮砂仁連

殼炒 甘草生 黑豆酒洗 桑上羊兒籐 水煎服 初發熱加升

麻葛根連翹 出而稠密者。加酒炒黃連牛蒡子連翹。南山查 不起

發者。加牛蒡子赤芍藥 渴加麥門冬知母花粉 血動者。四物湯加

苓連 脾虛食少毒發不出者。千金內託湯去肉桂倍加參者 身熱

有外邪者。參蘇飲加木香 方歌 安胎如聖散最宜歸陳白朮大腹皮黃

苓砂仁共甘草黑豆羊籐服莫疑。

痘出遇產○痘出正盛逢臨產。束手無策勢最險。無恙十全大補湯。惡露

未盡黑神散

【十全大補湯】方見結痂
落痂證治

【黑神散】 當歸 川芎 熟地黃 青皮醋炙 香附醋炙 蒲黃

桂心 乾薑 水煎溫服。方歌 惡露未盡黑神良。當歸川芎熟地黃青

皮香附俱醋炙。蒲黃桂心合乾薑

產後出痘○產後如逢出痘瘡。惟憑補益莫驚慌。十全大補全功效。勿用寒涼致損傷。

【十全大補湯】方見結痂
落痂證治

四·疹門證治

疹原○疹爲正疹亦胎毒。毒伏六府感而出。初發之狀有類痘。形尖漸密不漿殊。始終調護須留意。較痘雖輕變化速。

麻疹輕重○麻疹出時非一端其中輕重要詳參氣血和平輕而易表裏交雜重則難

麻疹主治大法○疹宜發表透爲先最忌寒涼毒內含已出清利無餘熱沒後傷陰養血痊

麻疹未出證治○欲出麻疹身微熱表裏無熱毒氣鬆若兼風寒食滯熱隱伏不出變叢生宣毒發表爲主劑隨證加味莫亂從

【宣毒發表湯】升麻 葛根 前胡 桔梗 枳殼麩炒 荆芥 防

風 薄荷葉 木通 連翹去心 牛蒡子炒研 淡竹葉 生甘草

引加芫荽水煎服感寒邪者加黃麻夏月勿用食滯加南山楂

內熱加黃芩方歌疹伏宣毒發表湯升葛前桔枳荆防薄通翹蒡淡竹

葉引加芫荽水煎嘗

麻疹見形證治○麻疹已出貴透徹細密紅潤始爲良。若不透徹須分晰。風寒毒熱氣虛詳。風寒升葛湯加味。毒熱三黃石膏湯。氣虛人參敗毒散。託裏透疹效非常。

【升麻葛根湯】

方見痘門發熱證治

【三黃石膏湯】 麻黃 石膏 淡豆豉 黃蘗 黃連 梔子 黃芩

水煎服。

方

疹出不透因毒熱三黃石膏湯急尋麻黃石膏淡豆豉黃

蘗黃連梔子芩

【人參敗毒散】 人參 川芎 羌活 獨活 前胡 枳殼麩炒 桔

梗 柴胡 生甘草 赤苓 引用生薑水煎服。方疹因氣虛出難

透人參敗毒有奇功參芎羌獨前枳桔柴胡甘草赤茯苓。

麻疹收沒證治○疹出三日當收沒不疾不徐始無虞收沒太速毒攻內。

當散不散虛熱醫毒盛荆防解毒治外用胡葵酒法宜虛熱柴胡四物劑
應證而施病漸離

【荆防解毒湯】 薄荷葉 連翹去心 荆芥穗 防風 黃芩 黃連

牛蒡子炒研 大青葉 犀角 人中黃 引用燈心蘆根水煎服

方歌收沒太速毒內攻荆防解毒治最靈薄翹荆防芩連蒡大青犀角共
人中

【胡葵酒】方見痘門
水泡證治

【柴胡四物湯】 白芍炒 當歸 川芎 生地 人參 柴胡 淡竹

葉 地骨皮 知母炒 黃芩 麥冬去心 引加生薑紅棗水煎服

方歌當散不散因虛熱柴胡四物芎歸芩生地人參柴竹葉地骨知母芩
麥冬

身熱不退○麻疹已發身猶熱毒熱壅遏使之然出用化毒清表劑後
柴胡清熱煎

【化毒清表湯】

葛根 薄荷葉 地骨皮 牛蒡子炒研 連翹去心

防風 黃芩 黃連 元參 生知母 木通 生甘草 桔梗 引

用生薑燈心水煎服

方歌

疹已出透身壯熱化毒清表爲妙訣葛薄地

骨蒺翹防芩連元知通甘桔

【柴胡清熱飲】

柴胡 黃芩 赤芍 生地 麥冬去心 地骨皮

生知母 生甘草 引用生薑燈心水煎服

方歌

疹已沒落熱不減柴

胡清熱效通仙柴胡黃芩芍生地麥冬地骨知母甘

煩渴○毒熱內盛火上炎心胃擾亂煩渴添未出升葛湯加味已出白虎

湯爲先沒落竹葉石膏用因時醫治莫遲延

【升麻葛根湯】方見痘門發熱證治

【白虎湯】 石膏煨 生知母 生甘草 引用粳米 水煎服 方歌 麻疹

已出多煩渴白虎清熱自能安。石膏知母生甘草。引加粳米用水煎。

【竹葉石膏湯】 人參 麥冬去心 石膏煨 生知母 竹葉 生甘

草 水煎服 方歌 疹已沒落當安靜。若加煩渴熱未清。竹葉石膏湯參

麥。石膏知母竹甘從。

譫妄○疹發最怕毒火盛熱昏心神譫妄生。未出三黃石膏治。已出黃連解毒靈

【三黃石膏湯】方見麻疹見形證治 ○黃連解毒湯 方見痘門結痂落痂證治

喘急○疹初無汗作喘急宜發麻杏石甘宜毒熱內攻金受尅。保肺清氣

化毒醫。

【麻杏石甘湯】 石膏煨 麻黃蜜炒 杏仁去皮尖炒 生甘草 引用

生薑水煎服 方歌喘用麻杏石甘湯。石膏火煨合麻黃杏仁去尖須微

炒甘草相配引生薑。

【清氣化毒飲】 前胡 桔梗 括蕒仁 連翹去心 桑皮炙 杏仁

去皮尖炒 黃芩 黃連 元參 生甘草 麥冬去心 引用蘆根水煎服。

方歌毒熱內攻肺喘滿清氣化毒飲最靈前桔括蕒翹桑杏芩連元參草

麥冬。

欬嗽○疹初嗽欬風邪鬱。加味升麻葛根良。毒熱薰蒸金受制。清金寧嗽

自堪嘗。

【升麻葛根湯】 方見痘門發熱證治

【清金寧嗽湯】 橘紅 前胡 生甘草 杏仁去皮尖炒 桑皮蜜炙

川連 括蕒仁 桔梗 浙貝母去心 引用生薑紅棗水煎服。

方嗽用清金寧肺湯橘紅前草杏仁桑。川連括蕒桔貝母。引用紅棗共

生薑

喉痛○疹毒熱甚上攻喉。腫痛難堪實可憂表邪元參升麻用。裏熱涼膈
消毒求

【元參升麻湯】 荆芥 防風 升麻 牛蒡子炒研 元參 生甘草

水煎服。方表鬱毒疹喉腫痛急服元參升麻湯荆芥防風升麻蒡元

參甘草水煎嘗。

【涼膈消毒飲】 荆芥穗 防風 連翹去心 薄荷葉 黃芩 生梔

子 生甘草 牛蒡子炒研 芒硝 大黃生 引用燈心水煎服。

方裏熱喉痛苦難當涼膈消毒飲最良。荆防翹薄荷芩梔草牛蒡芒硝生

大黃。

失音○疹毒聲啞肺熱壅。元參升麻大有功。已發加減涼膈散。沒後兒茶音卽清。

【元參升麻湯】方見喉痛

【加減涼膈散】薄荷葉 生梔子 元參 連翹去心 生甘草 苦

桔梗 麥冬去心 牛蒡子炒研 黃芩 水煎服。方歌加減涼膈治

失音薄荷梔子共元參。連翹甘草苦桔梗。麥冬牛蒡與黃芩。

【兒茶散】 硼砂二錢 孩兒茶五錢 共爲細末滾水一盞調藥一匙

服之。

嘔吐○疹發緣何嘔吐逆。火邪擾胃使之然。竹茹石膏爲主治。和中清熱吐能安。

【竹茹石膏湯】 半夏薑製 赤苓 陳皮 竹茹 生甘草 石膏煨

引用生薑水煎服。方歌竹茹石膏湯治吐。半夏薑製配茯苓。陳皮竹茹

生甘草石膏火煨共合成。

瀉泄○毒熱移入大腸經。傳化失常瀉泄成。初起升葛湯加味。已發黃連

解毒清

【升麻葛根湯】方見痘門發熱證治○黃連解毒湯方見痘門結痂落痂證治

痢疾○夾疹之痢最難當。毒熱凝結移大腸。腹痛下痢赤白色。悉用清熱

導滯良。

【清熱導滯湯】 山查 厚朴薑炒 生甘草 枳殼麩炒 檳榔 當

歸 白芍酒炒 條芩酒炒 連翹去心 牛蒡子炒研 青皮炙

黃連吳茱萸炒 引用生薑水煎服。方歌痢用清熱導滯湯。山查朴草殼檳榔

歸芍條芩翹牛蒡青皮黃連引生薑。

腹痛○小兒發疹腹中疼毒鬱腸胃食滯凝。曲腰啼叫眉頻蹙。加味平胃散堪行。

【加味平胃散】

防風

升麻

枳殼麩炒

葛根

蒼朮炒

陳皮

厚朴薑炒

南山查

麥芽炒

生甘草

引用生薑燈心水煎服。

方歌加味平胃散如神。防風升麻枳葛根。蒼陳厚朴查芽草。生薑燈心水煎勻。

衄血○疹家衄血莫倉惶。毒從衄解妙非常。衄甚吹鼻髮灰散。內服犀角地黃湯。

【髮灰散】○犀角地黃湯

方俱見痘門衄血便血

瘙疹○兒在母腹血熱蒸。生後不免遇涼風。徧體發出如粟米。此名瘙疹。

何須評。

蓋痘疹○痘後出疹蓋痘傳餘毒未盡夾食寒偏身作癢如雲片加味消
毒服即安。

【加味消毒飲】 荆芥穗 防風 牛蒡子炒 升麻 生甘草 赤芍

南山查 連翹去心 引用生薑水煎服。方歌 蓋痘疹因風熱成加味

消毒飲最靈荆防牛蒡升麻草赤芍山查連翹從

癰疹○心火灼肺風濕毒癰癰疹點發皮膚疎風散濕羌活散繼用消毒
熱盡除。

【加味羌活散】 羌活 前胡 薄荷葉 防風 川芎 枳殼麩炒

桔梗 蟬蛻多連翹去心 生甘草 赤苓 引用生薑水煎服。

方歌 癰疹羌活散相當羌活前胡薄荷防。川芎枳桔淨蟬蛻連翹甘草赤

苓薑

【加味消毒飲】

方見蓋痘疹

五·種痘諸法

夫痘胎毒也。伏於有形之始。因感而發。爲生人所不能免。然其發也。或染時氣。或感風寒。或因飲食。或由驚恐。以病引病。爲患多端。變更莫測。且其間順吉者少。險逆者多。有千方百計而不能冀其愈於萬一者。此其所以爲難也。古有種痘一法。起自江右。達於京畿。究其所源云。自宋眞宗時。峨眉山有神人。出爲丞相王旦之子種痘。而愈。遂傳於世。其說雖似渺茫。然以理揆之。實有參贊化育之功。因時制宜之妙。蓋正痘感於得病之後。而種痘則施於未病之先。正痘治於成病之時。而種痘則調於無病之日。自表傳裏。由裏達表。旣無諸證。夾雜於其中。復有善方引導於其外。薰蒸漸

染痘毒盡出又何慮乎爲患多端變更莫測以致良工束手於無可如何之地耶。此誠去險履平。避危就安之良法也。然種痘一科。多口傳心授。方書未載。恐後人視爲虛誕之辭。相沿日久。無所考稽。使至理良法。竟置無用之地。神功湮沒。豈不大可惜哉。今將種痘一法。細加研究。審度精詳。纂輯成書。永垂千古。庶爲種痘之津梁。咸登赤子於壽域也。

種痘要旨○嘗考種痘之法。有謂取痘粒之漿而種之者。有謂服痘兒之衣而種之者。有謂以痘痂屑乾吹入鼻中種之。謂之旱苗者。有謂以痘痂屑濕納人鼻孔種之。謂之水苗者。然卽四者而較之。水苗爲上。旱苗次之。痘衣多不應驗。痘漿太涉殘忍。故古法獨用水苗。蓋取其和平穩當也。近世始用旱苗法。雖捷徑微覺迅烈。若痘衣痘漿之說。則斷不可從。夫水苗之所以善者。以其勢甚和平。不疾不徐。漸次而入。旣種之後。小兒無受傷

之虞胎毒有漸發之機。百發百中。捷於影響。盡善盡美。可法可傳。爲種痘之最優者。其次則旱苗雖烈。猶與水苗之法相近。兒體壯盛。猶或可施。至若痘痂之何以爲順。選苗之何以善藏。天時之何以得正。種期之何以爲吉。調攝之何以合宜。禁忌之何以如法。形氣之何以可種。與痘衣痘漿之弊。一一條分縷晰。細列於後。學者必細心體閱。則中有灼見。不致有他歧之惑。庶種法旣善而成功可必矣。

選苗○苗者痘之痂也。種痘者全資乎此。以爲胎毒之引導。關係匪輕。選苗時宜留神細察。不可輕忽。其中有可用者。有不可用者。惟在痘之順與不順。別之。痘之不順者。出不尖圓。色不紅潤。漿不充滿。所落之痂黑暗而薄。此天人合病。內外合邪所致。卽幸而得愈。亦不過良工之善爲調治。非天然之美。此等痘痂。斷不可用。痘之順者。始終無夾雜之證。出則尖圓。色

則紅潤漿則充滿。所落之痂。蒼蠟光澤。肥大厚實。此得天地陰陽之正氣。極順之苗也。收而用之。效如響應。但此痂甚少。所遇無多。或不能親其事。而假手他人。亦必令彼身親目覩。方可否則寧置而不用。切勿濫用。種者審之。

蓄苗○種痘必資於苗。而苗之所可恃者。在氣之相通耳。若遇熱則氣洩。日久則氣薄。觸汗穢則氣不清。藏不潔則氣不正。此蓄苗之法。所以不可不慎也。如過好苗。須貯新磁瓶內。上以物密覆之。置於潔淨之所。清涼之處。其所貯之苗。在春天者。一月之痂可種。冬令嚴寒。四五十日之痂尙可種。蓋寒則氣收藏。熱則氣易洩。故時日有不同也。然於未收苗時。卽當先與出痘之家。明言其故。使彼樂從。無所疑忌。彼方肯用心收貯。不致稍有貽誤也。

天時○種痘貴得天時。得其時則種。不得其時則不種。夫天時之正。莫過於春。春爲萬物發生之際。天氣融和。不寒不熱。種之則痘自隨其氣而發生。此正二三月之時。所以可種也。若交夏之後。六陽盡出地上。人之陽氣亦皆外浮。暑熱燦金受病者衆。斯時種痘。兒何以堪。此四五月之時。所以必不可種也。至若秋令。天氣清肅。收斂之時。雖遇可種之兒。而無引毒之具。此七八九月之時。勢有不能種也。至於十月。名曰小春。雖亦可種。然斯時氣寒固結。純陰用事。不若俟冬至後。一陽鼓動。借其生生之氣。種之甚吉。此十月之所以可種。猶不若十一月。尤可種也。然當可種之時。亦有不可種者。如春應溫而反寒。夏應熱而反涼。秋應涼而反熱。冬應寒而反溫。當其時而非其氣。是天地不正之氣也。常人感染而成時疫。小兒調理未遑。况敢言種痘乎。倘或遇此。只宜稍避。俟時氣平安。再爲議種。

方保萬全亦有未種之時。天時甚止。既種之後。忽爾寒暄不時。此又人事所遇不齊。偶爾變氣出乎意外者也。則宜屋中適其寒溫。順會天時。常燒辟穢香。飲食起居。更加謹慎。可保無恙。種痘者宜詳審而體察之。

擇吉○下苗之日。必擇成日。開日。栽種日。及合天月二德日。則吉。倘三者不能兼備。卽成開之日。亦可。若值人神所在之日。忌不可種。

種痘吉日 成日 開日 栽種日 天月二德日 正五月在丙

二六十月在甲 三七十一月在壬 四八十二月在庚

人神所在之日 十一日在鼻柱 十五日在徧身

調攝○種痘之在調攝。最爲緊要。自始至終。不可稍忽。如避寒熱。慎飲食。是也。天氣嚴寒。蓋覆宜溫暖。勿使受寒。恐被寒氣所觸。則痘不得出。亦不可過於重棉疊褥。使熱氣壅滯。致痘不宣發。天氣溫暖。蓋覆宜適中。恐客

熱與毒相併致增煩熱亦不可輕易。單露體使寒邪外侵阻遏生發之氣。此寒熱所以貴得其平也。人之氣血必藉飲食生化。痘之始終全賴乎此。若飲食虧少氣血何所資助乎。但不可過甚。若過飲則飲停不化津液過食則食滯必生痰熱。所以吮乳之兒不多乳不闕乳能食之兒勿餐辛熱炙煇。勿啖黏硬生冷。勿恣意茶水。勿使飲涼漿食。不過飽亦不過飢。此飲食所以貴得其平也。至於寒熱飲食之外。凡舉止動作。既不可任意驕縱。亦不可過於拂逆。惟在調攝之人。耐其性情。兢兢業業。善爲保護。不但慎於既種之後。且當慎於未種之先。不但慎之見苗之初。尤當慎之落痂之後。種痘者宜諄諄告誡。務期詳細。使彼知關係匪輕。心存謹慎。如法調攝。始保萬全。倘稍有不謹。以致小兒或爲寒熱所侵。或爲飲食所傷。咎將誰諉乎。此不知調攝者。所以斷不可與種也。

禁忌○種痘之家房中最要潔淨。切忌犯冲最喜明亮不可幽暗。擇老成耐事之人經過小兒出痘者。令其調護。不離左右。一切禁忌俱當謹遵。勿詈罵呼怒。勿言語驚惶。勿對梳頭。勿對搔癢。勿嗜酒。勿歌樂。凡房中淫液氣。婦人經候氣。腋下狐臭氣。行遠勞汗氣。誤燒頭髮氣。誤燒魚骨氣。吹滅燈燭氣。硫磺柴烟氣。葱蒜醉酒氣。溝渠污濁氣。悉宜避之。更當預囑其左右之人。倘值烈風迅雷暴雨之變。大宜安定。勿使兒驚。其幃帳宜謹蓋覆。宜密切勿暴動。生風常燒辟穢香。以避偶爾不正之氣。再令人謹伺其門。不許生人往來。不許僧道師巫孝服之人入室。以上禁忌一一遵守。則吉。稍有疎忽。每至敗事。種痘者切宜諄諄告誡之。

【辟穢香】

南蒼朮半觔

川大黃四兩

右剉細片。爐中燒之。不可間斷。

可種

小兒面部紅潤。精采明亮。透達印堂山根年壽。眼下口角無青暗。

之色。兩目黑白分明。視瞻平正。愈看愈有神氣精光。

顛不陷不填。頭不解顛。鼻孔不小。氣清不濁。聲音清亮。天柱

骨正。頸不歪斜。骨肉相稱。又宜緊束。肥不見肉。瘦不露骨。小便遠而

長。腎囊緊小。微帶紫黑色。如荔枝殼。身無癩癬瘡疥。項無結核。腹

無積聚。形氣充實。精神強健。臟腑調順。脈息和平。以上皆可

種。

不可種。小兒面色青白。或鰲黑痿黃。無喜色。無精采。兩目黑多白少。白

睛帶青色。視瞻歪斜。暗昧無神。顛陷顛填。解顛。顛不合。五軟。

五鞭。龜胸。龜背。鶴膝。鼻孔小。氣濁。聲音不亮。不長。肉不束。

骨鬆如發麵樣。身體瘦無膈肉。身有癩癬疥瘡。腹有疳積。項有

結核。病後元氣未復。素有驚癇之證。失乳之後。氣血不足。脾

胃虛弱 精神倦怠 脈不和平 以上皆不可種

凡小兒父母行事疎忽。不知調攝。不聽禁忌。不信醫藥。過於溺愛。驕縱者。亦斷不可與種。

水苗種法○種痘之時。要細閱小兒氣血冲和。臟腑均平。內無痰熱食積。所傷。外無六淫之氣相侵。方可用上好痘痂種之。一歲者用二十餘粒。三四歲者用三十餘粒。置於淨磁鍾內。以柳木作杵。研爲細末。以淨水滴三五點入鍾內。春溫用。夏熱用。乾則再加水幾點。總以調勻爲度。不燥不濕。用新棉絮須攤極薄片裏。所調痘屑在內。捏成棗核樣。以紅線拴定。仍留寸許。長則剪去。將苗納入鼻孔。分男左女右。不可離人時。時看守。倘小兒用手拈弄。急禁止之。或被嚏出。急將苗塞鼻內。不可稍緩。恐洩苗氣。下苗後必以六個時辰爲度。然後取出。如遇天氣嚴寒。多留數刻。若遇時令和

煖早取數刻亦可。要在臨時斟酌。痘苗取出之後。其苗氣漸次而入。傳遍五藏。至七日始發熱。發熱三日而苗見。見苗三日而出齊。出齊三日而灌漿。漿足三日而回水結痂。大功成矣。

五藏傳送之理。○鼻者肺之外竅也。水苗種法。以苗塞鼻中。其氣先傳於肺。肺主皮毛。肺傳於心。心主血脈。心傳於脾。脾主肌肉。脾傳於肝。肝主筋。肝傳於腎。腎主骨。痘毒藏骨髓之內。感苗氣而發。其毒自骨髓盡達於筋。腎藏之毒解矣。自筋盡達於肌肉。肝藏之毒解矣。自肌肉盡達於血脈。脾藏之毒解矣。自血脈盡達於皮毛。心藏之毒解矣。自皮毛盡達於顆粒。肺藏之毒解矣。五藏之毒層遞而解。然後毒化漿成。收靨落痂。此種痘傳送之次序也。不可不知。

旱苗種法。○旱苗種法。用銀管約長六七寸。曲其頸。碾痘痂極細。納於管

端按男左女右對準鼻孔吹入之至七日而亦發熱今時多用此法蓋取其簡便捷入不致脫落而有透苗氣之患也第恐後人用之不善輕吹之則不驟入重吹之則迅烈難當且恐流涕過多苗隨涕出往往不驗今欲垂法後世當取其法之平和穩當萬全者而則效之此所以獨取於水苗也。

痘衣種法○小兒出痘者當長漿漿足之時則彼痘氣充盛取其貼身裏衣與未出痘之兒女服之服二三日夜間亦不脫下至九日十一日始發熱此乃衣傳然恐氣薄不透身有不熱不出其法不靈故不可用

痘漿種法○擇小兒出痘之順者取其痘漿以棉拭之分男左女右塞入鼻中亦能發痘但取痘漿之時不令本家知覺捏破痘漿盜以作種使彼真氣宣洩毒不能解此忍心害理不仁之事也同志者切宜深惡而痛絕

之又豈可尤而效之也哉

信苗○種痘發熱以前小兒面部上忽出顆粒似痘名曰信苗此痘之將發毒氣之標也色紅而輒聽之自消若紅紫堅硬有如魚目者急以銀針挑破上以二聖散則無虞

【二聖散】 明雄黃 紫草各等分 共碾爲細末用油臙脂調上

補種○下苗後宜令親切之人左右看守恐他人用心之不慎也若視爲泛常看守疎忽恐小兒惡其苗塞鼻中不時捏出使苗氣一洩種多不驗所以種而不發者亦有之也然或小兒五內壯實不受苗氣艱於傳進不發者亦有之更有胎毒深蘊潛藏內蓄雖苗氣傳至不能引出不發者亦有之俱當俟踰十一日爲度過此不發然後察天時和順再爲補種之亦可

自出○種痘以七日爲期。五藏傳遍始發熱者常也。或有至九日十一日而發者。此傳送遲慢之故。亦無足慮。若發熱於五日以前。此時苗氣尙未傳至其毒何由而發。必因種後適逢天行時氣。小兒感染而成。是乃自出之痘。非關苗氣引出者。種痘者不可不知要當於未種之時預爲申明其說焉。

治法○種痘乃引毒達表。乘兒安寧無事之時。事屬順吉。又何言治。然恐痘家過於溺愛。起居不謹。飲食不節。此病所由生也。故治法亦所不免。當悉照治正痘之法。治之可也。

【二】海藏癍論萃英

一·瘡疹標本

昔睦親宮十太尉病瘡疹。衆醫治之。王曰。疹未出。屬何臟腑。一醫言胃氣

熱。一醫言傷寒不退。一醫言在母腹中有毒。錢氏曰。若言胃氣熱。何以乍涼乍熱。若言母腹中有毒。屬何藏也。醫曰。在脾胃。錢氏曰。既在脾胃。何必驚悸。錢曰。夫胎在腹中。月至六七。則已成形。食母穢液。入兒五藏。食至十月。滿胃脘中。至生之時。口有不潔。產母以手拭淨。則無疾病。俗以黃連汁飲之。方下臍糞及涎穢也。此亦母之不潔。餘氣入兒藏中。本先因微寒入而成。瘡疹未出。五藏皆見病證。內一藏受穢多者。乃出瘡疹。初欲病時。先呵欠頓悶。驚悸。乍涼乍熱。手足冷。面腮赤燥。欬嘔。此五藏之證俱見。呵欠頓悶。肝也。時發驚悸。心也。乍涼乍熱。手足冷。脾也。面赤腮頰赤嘔。肺也。惟腎無候。以在府下。不能食穢故也。凡瘡疹乃五藏毒。若出歸一證。肝水泡。肺膿疱。心癰。脾疹。惟腎不食穢毒。而無諸疹瘡。黑者屬腎。由不慎風冷而不飽。內虛也。又用抱龍丸數服。愈。以其別無他候。故未發出。則見五

藏證已出則歸一藏矣。海藏云本先因微寒入一句。并由不慎風冷而不飽內虛一句。勿認作寒證。當識用抱龍丸。卽知癩疹多熱也。

治小兒壯熱昏睡。傷風風熱。瘡疹傷風皆相似。本能辨認。間服升麻葛根湯。惺惺散。小柴胡湯甚驗。蓋此數藥。通治之不致誤也。惟傷食則大便秘。臭不消化。畏食或吐。宜以藥下之。海藏云傷食宜以藥下之者。當詳其所傷何物。生硬寒熱不等。不可遽用巴豆之類。大毒之藥下之。升麻葛根湯。太陽陽明也。惺惺散。風熱咽不利。脾不和。少陽渴。小便不利也。小柴胡湯。往來寒熱。胸脇微痛。少陽也。然欲知其經。當以脉別之。

小兒耳冷。翕冷手。足乍煖。乍涼。面赤時咳。時噎。驚悸。此瘡疹欲發也。未能辨認。間服升麻湯。消毒散。已發未發。皆宜服。仍用胡荽酒。黃柏膏。暑月煩燥。食後與白虎湯。玉露散。熱盛與紫雪。咽喉或生瘡。與甘桔湯。甘露散。餘

依錢說大人小兒同治法。惟劑大小不同耳。海藏云。消毒散太陽藥。白虎湯治身熱目疼鼻乾不得臥陽明藥也。正為泄時暑之劑。甘露飲子肺腎藥也。甘桔湯少陰藥也。紫雪天門冬麥門冬黃芩地黃為血劑。玉露散肺腎藥。石膏寒水石為氣劑。

升麻葛根湯

海藏云太陽陽明之劑。

【惺惺散】

治傷寒時氣。風熱痰壅。欬嗽及氣不和。

桔梗

細辛

去葉

人參

甘草

炒

白茯苓

去皮

白朮

各一兩

括蕪根

右同為細末。每服二錢。水一盞。入薄荷五葉。煎至七分。溫服。如要和氣。入生薑五片同煎。用防風一分。用川芎一分。此又法

海藏云。此加減四

味。亦各隨經證也。

【消毒散】 治瘡疹未出或已出未能勻遍。又治一切瘡。涼膈去痰。治咽

喉痛。

牛蒡子

二兩 炒

甘草

半兩 剉炒

荊芥穗

二錢 半

右同爲麩末。每服三錢。水一盞半。去滓溫服。海藏云。此前數方。皆溫

平之劑。一法加防風薄荷。

【黃柏膏】

治瘡疹已出。用此藥塗面。次用胡荽酒外治法。

黃柏

一兩

新葶豆

一兩 半

甘草

四兩

上同爲細末。生油調。從耳前至眼眶。並厚塗

之日三兩次。如早用瘡不至面。縱無亦有。

【胡荽酒】

胡荽細切四兩。以好酒二盞。煎少時。沸。入胡荽再煎少時。用

物合定放冷。右每吸一兩口。微噴。從頂至足勻遍。勿噴頭面。病人左右。

常令有胡荽。卽能辟去汗氣。瘡疹出快。

【四聖散】

治瘡疹出不快及倒靨。

紫草

茸

木通

剉

甘草

剉炒

枳殼

麩炒去穢

上同為篩末每服一錢水一

中蓋煎至八分溫服無時

【甘露飲子】

治心胃熱咽痛。口舌生瘡。并瘡疹已未發。並可服之。又治

熱氣上攻牙齦腫。齒動搖。

生地黃

熟地黃

天門冬

去心

麥門冬

去心

枇杷葉

去毛

枳殼

麩炒去穢

黃芩

去心

石斛

去苗

甘草

剉炒

山茵陳葉

右各等分為篩末。每服二

錢。水一盞。食後溫服。牙齒則含嗽。并服。海藏云。甘露飲為血劑。

【瀉清丸】

海藏云。東垣先生治癰後風熱毒。翳膜氣暈遮睛。以此劑瀉

之大效。初覺易治。

【補肝丸】

四物湯內加防風羌活等分為末。煉蜜為丸。是也。

【鎮肝丸】

治肝虛。瀉青丸去梔子大黃。

【地黃丸】 治腎虛解顛。卽魘病也。治脉毛而虛。熟乾黃八錢 山茱萸

乾山藥 澤瀉 牡丹皮 白茯苓各四錢 上爲末。煉蜜丸如梧桐

子大。三歲以下一二丸。或三五丸。空心溫水下。

【瀉腎丸】 治脉洪而實。前地黃丸。熟地黃。改生地黃。去山茱萸。是也。此

治在手本部脈。若右尺洪實。以鳳髓丹瀉之。此地黃丸。卽仲景八味丸。去桂附。若加五味子爲腎氣丸。此益肺之原。以生腎水焉。

【瀉白散】 治瀉肺脾熱。目黃。口不吮乳。喘嗽。桑白皮一兩剉炒黃 地骨

皮一兩 甘草半炒 右爲細末。每服一二錢。水一盞。入粳米百粒。同煎

食後服。易老加黃連。海藏云。治肺熱骨蒸自汗。用此以直瀉之。梔子

黃芩亦能瀉肺。當以氣血分之。

【阿膠散補肺】 阿膠一兩半 馬兜鈴兩 甘草炙 鼠粘子炒香各二錢半

糯米

杏仁

七個去皮尖

上爲末。每服一二錢。水一盞。食後服。

海藏云。

杏仁本瀉肺。非若人參天門冬麥門冬之補也。當以意消息。

【導赤散】 泄丙

【瀉心湯】

瀉丁黃連

一兩去鬚

右爲極細末。每服一次。至五分一錢。臨臥

溫水調下。

海藏云。易老單瀉心湯加減法。出於此。乃實邪也。實則泄

其子。

【益黃散補脾】

青皮

訶子肉

甘草

各半兩

陳皮

一兩

丁香

二錢

右爲細末。每服二錢。水一盞。煎服。

海藏云。此劑瀉脾以燥濕。

【瀉黃散】

治瀉脾熱。目黃。口不能吮乳。

藿香葉一錢

山梔子仁二兩

石膏半兩

甘草二兩

防風四兩

右剉同蜜酒微炒香爲細末。每

服一錢至二錢。水一盞。煎清汁服。

海藏云。此劑瀉肺熱。

【白朮散】藿香葉 白朮 木香 白茯苓 甘草炒 人參各一兩

乾葛二兩 右為末每服一錢至二錢水煎如飲水者多煎與之海

藏云四君子湯加減法治濕勝氣脫泄利太過。

【生犀湯黃龍湯犀角地黃湯加減法】 生犀錢取末 地骨皮 赤芍

藥 柴胡 乾葛劉各一兩 甘草半兩 上為末每服一二錢水煎 海

藏云此少陽陽明相合也。

【宣風散】 檳榔二個 橘皮 甘草各半兩 牽牛四兩熟用

右為極細末三二歲蜜湯調下半錢已上一錢食前 海藏云與通膈

丸相類。上下氣血藥也。

【通膈丸】 大黃 牽牛 木通各等分 上為細末滴水丸粟粒大每服

三五十丸量虛實加減。

【異功散】 溫中和氣。治吐泄。小兒虛冷病。先與數服。人參 茯苓

白朮 甘草 陳皮各等分 上爲細末。每服二錢。水一盞。生薑五片。棗

五枚同煎。海藏云。四君子補脾湯加減法。

【涼驚丸】 龍膽草 防風 青黛研各一錢 龍腦一錢 鈎藤末二錢 黃

連半兩 牛黃 麝香 右爲細末。麵糊丸。粟米大。每服一二十丸。金

銀湯下。

【黃耆散】 治盜汗 牡蠣燒 黃耆 生地黃各等分 上爲末。水煎。

【連翹散】 治一切熱兼治瘡疹有神效。

連翹 防風 梔子 甘草 上爲末。水煎。海藏云。治熱在外而不

厥。此少陽藥也。

【化毒湯】 治小兒瘡痘已出未出。並可服之。

紫草茸

升麻

甘草

各等分

上咬咀水二盞粳米五十粒同煎乃此

陽明之藥也。

【紫草不通湯】

治小兒瘡疹。

紫草

木通

人參

茯苓

粳米

各等分

甘草減半

上為末每服

四錢水煎此小便不利之劑也。

【鼠黏子湯】

治小兒瘡痘欲出未能得透。皮膚熱氣攻咽喉。眼赤心煩。

鼠黏子

四兩炒

荊芥穗

二兩

防風

半兩

甘草一錢

上為細末沸

湯點服。臨臥大利咽喉。化痰涎。止嗽。老幼皆宜。海藏云。太陽少陽藥

也。首論溫平者此也。

【活血散】

治瘡子或出不快。

白芍藥一錢

上酒調。如欲止痛。只用溫熱水調下。

海藏云。張和之

治四肢出不快。加防風大效。此正的太陰藥也。

【如聖飲子】 治小兒瘡疹毒攻。咽喉腫痛。 桔梗 甘草生 牛蒡

子炒各一兩 麥門冬去心半兩 右爲末。竹葉同煎。細細服。

犀角地黃湯

二· 潔古老人癩論

論曰癩疹之病。其爲證各異。瘡發焮腫於外者。屬少陽三焦相火也。謂之癩。小紅點行皮膚之中不出者。屬少陽君火也。謂之疹。凡顯癩疹。若自吐瀉者。慎勿亂治而多吉。謂邪氣上下皆出也。大凡瘡疹。首尾皆不可下。恐妄動。謂少陽通表宜和之也。當先安裏解毒。次微發之。安裏解毒。須安五藏。防風湯是也。如大便不澀者。須微發之藥。錢氏方中甚多。宜選用之。如大便秘。宜微利之。當歸丸。棗變百祥丸是也。初知癩疹。若使之癩疹併出。

小兒難禁。是以別生他證也。首尾不可下者。首曰上焦。尾曰下焦。若能吐利。猶不可下也。便宜安裏。若不吐瀉者。先安裏藥。三五服如能食而大便祕結內實者。宜疎利之。若內虛而利者。宜用裏藥。末後一服。調微發之藥服之。大抵安裏之藥多。發表之藥少。祕則微疎之。令邪氣不壅。併而能作番次。使兒易禁也。身溫煖者順。身涼者逆。二者宜多服防風湯和之。安裏若大便實祕。能飲食而內實。宜當歸丸微利之。

【解毒防風湯】

防風一兩 地骨皮 黃芩 芍藥 荊芥 枳殼 鼠黏子各半兩

右爲麤末。每服四五錢。水煎。

【當歸丸】 當歸半兩 甘草一錢 黃連 大黃各二錢半

右先將當歸熬入藥末。三味爲丸。漸加服之。以利爲度。

【棗變百祥丸】

治癩疹大便祕結。

紅芽大戟

去骨一兩

青州棗

去核二十個

右用水一碗同煎至水盡爲度。去大戟不用。將棗焙乾。可和作劑。旋丸。從少至多。以利爲度。

三·海藏老人癩論

夫癩之爲病。皆由子在母腹中時。浸漬食母血穢。蘊而成毒。皆太陰濕土。壅滯。君相二火之所作也。因小兒真氣既盛。正氣又旺。邪無所容。或因天冷。或因傷表。或因傷裏。癩由是而生焉。治當何如。外者外治。內者內治。中外皆和。其癩自出。至於惡寒者。發之。表大熱者。奪之。渴者清之。大便祕結者。下之。小便不通者。利之。驚者安之。泄者分之。何以執一爲哉。大抵傷寒同治。最爲高論。隨經用藥。不可闕也。假令五日已裏。諸病與癩疹不能別辨者。不可疑作癩疹。必須發之。但各從其所傷。應見治之。皆不妨癩出。若

強發之。其變不可勝數矣。前人言首尾俱不可下者。何也。曰首不可下者。爲癱未顯於表下。則邪氣不得伸越。此脈證有表而無裏。故禁首不可下也。尾不可下者。爲癱每已顯於外。內無根蒂。大便不實。無一切裏證。下之則癱氣逆陷。故禁尾不可下也。有如所言溫煖。蓋覆不令通風。以其癱未出。或身表涼而惡寒。或天令寒而惡冷。溫煖蓋復。不令通風也。癱若已出。身煖天宜。何必用蓋覆而不使之通風乎。後人執此二句首尾俱不敢下。溫煖不令通風。不知天令之所加。人身之所感。致誤人多矣。大抵前人之言。隨時應變。以其所可者而言之。後人不知其變。故執常而不移也。噫。首尾俱有可下者。以其始終臟腑元無凝滯也。若有一切裏證及大便結者。安得不下。溫煖不使之通風。以其發在冬時。故如此也。若發在夏時。則雖未出亦不用於此也。癱用之藥。大率以脈爲主。浮中沉之脈乎。舉按之候。

察其虛實定其中外則可以萬全矣

四·未顯癩證所用之藥

外傷升麻湯主之。內傷枳實丸主之。大便爽者枳朮丸主之。若傷冷者溫之神應丸主之。惡寒者發之。宜防風蒼朮湯。表大熱者奪之。此表者通言三陽也。夫陽盛則氣必上行。言奪者用法不令上行也。渴者清之。大渴者白虎湯。小渴者涼膈散。大便祕結者下之。桃仁承氣湯。四順飲子。柴胡飲子。選用。察其在氣在血。小便不通者利之。導赤散八正散之類。當求上下二焦何經而用之。驚者安之。涼驚尤重者瀉青丸。泄者分之。寒則異功散。四君子湯。熱則澤瀉茯苓湯。

五·已顯癩證所用之藥

出不快。化毒湯。出太多。犀角地黃湯。地骨皮鼠黏子湯。咽不

利 桔梗甘草鼠黏子湯 煩者 桔梗甘草梔子湯 肺不利 紫草
茸甘草枳殼湯 太陽出不快 荆芥甘草防風湯 陽明出不快 升
麻加紫草湯 少陽出不快 連翹防風湯 四肢出不快 防風芍藥
甘草湯

六·瘡疹輕重候

凡未出而發搖若是外感風寒之邪。內發心熱之所作也。常用茶粉下解
毒犀角地黃湯主之。一發便如針頭形。熱重者。合輕其表而涼其內。連
翹升麻湯。若癩已發。密重微喘飲水者。有熱證用去風藥微下之。若出
不快。清便自調。知其表不在裏。當微發散。升麻葛根湯。若青乾黑陷。
身不大熱。大小便澀。則是熱在內。煎大黃湯下宣風散。若身表大熱者。
表證未罷。不可下。若癩瘡已出。見小熱小便不利。當利小便。八正散。若

已發後有餘毒未散復有身熱瘡腫之類。當用茶粉下解毒丸。瘡疹已出後有聲音者。乃形病氣不病也。瘡疹未出先聲音不出者。乃形不病而氣病也。若瘡疹出而聲音不出者。是形氣俱病也。當清其肺氣。宜用八風湯。并涼膈散。夫硝大黃不可用。

海 上

版出局書藥醫西中

行發局書西中